



18

18
214
18



門 18
214
卷 18

光緒二十三年正月二十一日

時務報

第十八冊

The Chinese Progress

光緒二十九年
一月十九日

時務報第十八冊目錄

論學校五變法通議三之五 幼學

幼學

新會梁啟超撰

論亞洲宜自為唇齒

餘杭章炳麟撰

總署議覆盛京卿條陳摺並恭錄 諭旨

總署請設鐵路總公司摺

盛京卿宣懷擬辦鐵路說帖

浙撫廖分派各府縣時務報札

嶽麓院長王益梧祭酒購時務報發給諸生公閱手諭

香山張壽波來稿

歐亞氣運轉機論續第十七冊

桐鄉張坤德譯

英文報譯
中國通商各口廿一年分商務情形續十七冊○論蘇杭交涉之棘手 俄國西伯利

亞鐵路工程 西伯利亞鐵路 海底照相 尋船新光 泗水新機 電光攝

影奇觀 脚踏火龍 雨不落地 西國考場舞弊 審斷喀律致死事續十七冊

路透電音 桐鄉張坤德譯

東文報譯 日本古城貞吉譯

○中國邊事論續十七冊○論丁稅○論地稅 英增擴陸軍議 俄築鐵路 論法俄

同盟 法俄專約可疑 英報評俄皇抵法 美總統致國會書 分割土耳其

議○論社會續十七冊 濠鏡製礮 青浦朱開第來稿

譯紐約講學報人工與機器論

時務報館文編

新會梁啟超撰

論學校五變法通議三之五 幼學

四曰問答書。古人言學皆以學問並舉。孟子曰。有答問者。蓋學者由外入。問者由內

出。其得力蓋有間焉。顧聞之記曰。善問者如攻堅木。先其易者。後其節目。不善問者

反此。蓋問亦非易言也。古之教者。恐人之不善問也。故傳記之體。代其問而自答之。

若春秋之公羊穀梁傳。易之文言傳。大戴之夏小正傳。莫不皆然。管子有問篇 西人

啟蒙之書。專用問答。其餘一切書。每篇之末。亦多附習問。近譯之筆算數學啟

聖會史記等 書皆有之蓋人之讀書。勢不能盡所讀而悉記之。則必提其要者。然書中要義。未

必人人過目。即能提出。故莫如著者代摘。而讀者自記。此著書之良裁也。西人問答

專書。譯成善文者。有卜舛濟之啟悟要津。言天文地學淺理。次第秩然。一覽可解。惜

為書甚少。於他種學問。尚從闕如。中亦多 彼教語今宜畧依歌訣。書之門目。條分縷晰。由淺

入深。由繁反約。一一設為問答。以發明之。以歌訣為經。以問答為緯。歌訣以助其記。

問答以導其悟。記悟並進。學者之能事畢矣。凡善著書者。取義靡不宏富。而既講體

例。又講文法。故條理隱伏。讀者易眩。苟擷而剔之。不值思索耳。余以為雖繁重詳博。

如古文尚書疏證。明堂大道錄等書。使為問答以演之。每書不過千字。其義已可大

明。凡所言問答書 故盡天下有用之學。而編以問答。為書不出二十本。崖畧即已畢

皆列斷不引證

具。此為相通一切言之。若欲學子雖有下質，十五歲以前，此編當可卒業。魁碩者宿專門名家當讀引證之書。茂此淹通矣。又師範學校未立，求師為難。既有此編，則雖冬烘學究，亦可按圖索驥。依所問以課其徒。吾所謂盡天下之學究而教之，此亦其一事也。

五曰說部書。古人文字與語言合。今人文字與語言離。其利病既叟言之矣。今人出話皆用今語，而下筆必效古言。故婦孺農忙，靡不以讀書為難事。而水滸三國紅樓之類，讀者反多於六經。寓華西人亦讀三國演義最多以其易解也。夫小說一家，漢志列於九流，古之士夫未或輕之。宋賢語錄，滿紙恁地這箇，匪直不事修飾，抑亦有散意存焉。日本創伊呂波等四十六字母，別以平假名片假名，操其土語，以輔漢文，故識字讀書閱報之人日多焉。今即未能如是，但使專用今之俗語，有音有字者以著一書，則解者必多。而讀者當亦愈夥。自後世學子，務文采而棄實學，莫肯辱身降志，弄此楮墨，而小有才之人，因而游戲恣肆以出之，誨盜誨淫，不出二者。故天下之風氣，魚爛於此間而莫或知，非細故也。今宜專用俚語，廣著羣書，上之可以借闡聖教，下之可以雜述史事，近之可以激發國恥，遠之可以旁及彝情。乃至宦途醜態，試場惡趣，鴉片頑癖，纏足虐刑，皆可窮極異形，振厲末俗，其為補益豈有量邪。

六曰門徑書。學者於以上五種書，既已致力，則可以覃精六籍，汎濫羣書矣。顧四庫之編，已如煙海，加以古逸，加以近著，更加以西書，汗萬牛闔億室，數十寒暑，能讀幾何。故非有以導之不可。四庫提要，於諸學門徑畧具矣。惟書頗繁重，童蒙憚焉。啟超本鄉人，嘗不知學。年十一，游坊間，得張南皮師之輜軒語書目答問，歸而讀之。始知天地間有所謂學問者。稍長，游南海康先生之門，得長興學記，俛焉孜孜從事焉。南海先生復有桂學答問甲午游粵西歲甲午余授學於粵曾為讀書分月課程以告桂人士者其言較長興學記為切近。訓門人，近復為讀西學書法，以答問者，皆演師友未說，靡有心得。童蒙之求，所弗辭耳。仁和葉瀚為讀書要畧，條理秩然，蓋便初學。學童鼓篋之始，依此數書，當有塗徑。嚮者每欲薈萃中外古今，為羣學源流一書，以教學究，恨學淺才薄，僅成數篇。海內君子，庶幾成之，嘉惠來者焉。

七曰名物書。西人有書一種，此土譯者，命之為字典，其最備者，至數十巨冊。以二十六字母編次，古今萬國名物皆具焉。故既通文法者，據此編以讀一切書，罔有窒矣。中土歷古，未有是書。楊氏方言，意蓋近之。今宜用其意，盡取天下之事物，悉行編定，以助學者繙檢之用。如云君天下者，三皇謂之皇，五帝謂之帝，三代謂之王，秦後迄今謂之皇帝，皆謂之君，亦謂之后，亦謂之辟，亦謂之上。蒙古謂之汗，或謂之貝勒，回部謂之沙，俄謂之沙，突厥謂之蘇魯丹，日本謂之天皇，西藏謂之贊普，歐洲諸國謂

之木那克亦謂之愛伯勞亦謂之塞佛倫亦謂之爾路漏亦謂之金亦謂之伯理爾
天德云云其餘一切並同斯例大抵官制地理兩事最為繁博其餘各門殆易易耳
學者既通文法明大義苟得此書則可以盡讀羣書無不能解者其所譯定西人名
稱即可為他日國語解之用繙譯西書名號參差宜做遺金元二史國語解之雖非
例整齊畫一公定譯名他日續譯者毋許擅易雖非
徒蒙拾之助而學童得此其成學更事半功倍也以上諸書册輩中多言其不容緩
者南海康先生草定凡例命啟超
等編之已五年矣玩忽時日殺青無期順德何君穗田義士也頃集義款開幼學書
局於澳門聯合同志共襄斯舉擬先成識字文法歌訣問答四種今歲夏間即當脫
稿由澳門廣時務報館印行
其各物一書亦已開編矣

西文西語之當習今之談洋務者莫不言之矣雖然有欲學焉而為通事為買辦以
謀衣食者有欲學焉而通古今中外窮理極物強國保教者受學之始不可不自審
也今沿江沿海各省其標名中西學館英文書塾以教授者多至不可勝數彼其用
意大抵若前之說而已其由後之說者則槩乎未始有聞也昧者以為是西學將興
吾謂若輩之所為於亡中學則有餘至西學之能興與否則非吾之所敢言也吾聞
西國學士非通拉丁文者不得與試蓋拉丁文者英法俄德諸文之所從出彼中績
學之士其著書發論篇中每帶拉丁文法如中國之能文者
多用先秦漢魏語若未經從事者讀之多
不解焉 聖祖仁皇帝每日召西人入內授拉體諾文二小時拉體諾即拉丁也今

之學者每於學英法文將成之時始習拉丁然聞之由英法以上迨拉丁則學之甚
難由拉丁以下通英法則學之甚易故學童受學之始以先習拉丁為善云又嘗見
西人習華文之書大抵皆日用應酬口頭常語其究心訓詁義理者絕少故西人之
旅中土者多能操華言至其能讀書者希焉能以華文綴文著書者益希焉雖由華
文之繁難亦由彼之學者不得其書也今之教授西文者其蔽亦坐是故造就通事
買辦則有餘培養人才則不足有志於是者宜學彼中學人之所學毋學此間市井
洋傭之所學先其文言後其俚語則庶幾矣

記曰十年出就外傳學書計六藝之目禮樂射御書數是知古人於數計一學與書
並重無人不學無不能後世俗儒鄙為小道不復屑意輒近有顯此以名家者則
又羣推為絕學皆陋之甚也今宜令學童自八歲以上即授之以心算漸及筆算之
加減乘除通分小數比例開方等及幾何之淺理令演之極熟稍長以後以次授代
漸積稍深之法事半功倍年未弱冠可以疇人鳴於時矣

論亞洲宜自為唇齒

餘杭章炳麟撰

天地以五大洲別生分類一區之中人民禽獸不相越必有人焉整之齊之君之師
之魁之桀之聖王因其教制其宜不易其俗故自唐堯以來以裏海烏拉嶺為戎索

以絕亞歐以區黃人白人。然而天地之運無四千年無兀龍絕氣。故放於東海。放於西海。其不能不相通者。期會然也。夫通則何病也。地體華離。犬牙相錯。其本氏於歐洲。其標末於亞洲。於是乎震旦病。亞洲之國。西有印度。南有巫來由族。制於佗人。威靈所不及。其在邊裔。突厥之受侮。與中國等。亦不能爲我利害也。處於溫帶者。中國爲大。東迤千餘里。海隅之國。日本爲大。由二國之北。溯甘查甲以上。尾大而掉。俄羅斯爲大。然以赤縣之地。近在肘掖。可以相倚依者。闔亞洲維日本。往者中東有違言。將率失律。師喪而地分。諸簪筆持牘者。莫不瞋目語難。冀得當一雪恥。雖以窮髮之國。饗養於朔方。忘其欲噬。密與爲盟誓。肯同類而鄉異族。豈不左哉。昔興亞之會。翔自日本。此非虛言也。中依東。東亦依中。冀支那之強。引爲唇齒。則遠可以敵泰西。近可以拒俄羅斯。而太平洋澹矣。不幸中國利弊。有兵實不練。有地藏不啟。有學校不教。受侮鄰國。惟北方尤甚。彼觀其意。且欲盜黃海以爲己屬。日本壤地相屬。而懼俄羅斯之逼處也。曰。甯我薄人。無令人薄我。鋌而走險。雖有瀛海之阻。則凌之。雖有金城之塞。則陷之。故先發難於朝鮮遼東。以掄俄羅斯所未舉。非其驢武。冀自救也。使中國生其霸心。發憤圖自強。綜覈名實。使卒越勁。使民慤愿。使吏精廉。疆力。日本將親睦之不暇。而又何寇焉。使中國不生其霸心。不發憤圖自強。不新制度。隨俗雅化。

惟舊章之守。雖無日本。猶蠶食於俄羅斯。何恥之可雪。且國家不早自振厲。以稍陵夷。至於譙詬之中。乃欲自張大。斯不亦遠乎。夫句踐之臣吳也。猶有報志也。蜀相之結吳也。無報志也。彼恭曹魏。則吳不得怨。故覆於南郡。燼於白帝。再挫之忿。而不敢復焉。宋與女貞。宗禰之痛也。引蒙古以滅之。終自戕敗。廟算失也。故地處其逼。勢處其隍。九世之仇。而不敢復焉。何者。兩熊之鬪。敗者引援以自助。則身先鬻也。今中國無深長慮。欲一快心日本。密約俄羅斯。以爲繫援。至於膠州屯軍。吉林築路。齊魯與東三省將爲異域。悲夫。乃者法俄合從。南北爲羅。且夾溝而膠我。我在亞洲。猶魚之濡沫於九罟。雖日本亦有戒心焉。爲今之計。既修內政。莫若外暱日本。以禦俄羅斯。兩國席候。迢遣於東海。勢若橄欖。無相負棄。庶黃人有援。而亞洲可以無躓。難者曰。方今觀微之士。以爲中國羸病。犁十年而仆。雖與日本結。其何瘳乎。曰。夫發憤爲天下雄。則百年而不仆。怠惰苟安。則不及十年而亦仆。吾所議者。爲發憤者言也。非爲怠惰苟安者言也。夫苟怠惰苟安。雖有形勢。若旅順之阨。馬尾之險。可以失之。發憤而爲雄。而後以鄰國犄角爲可恃也。不然。則一飯之頃。已潰敗決裂矣。安能十祀。

總署議覆盛京卿條陳摺 並恭錄 諭旨

奏爲遵 旨安議具奏恭摺仰祈 聖鑒事。光緒二十二年九月二十六日。軍機處

抄交候補四品京堂盛宣懷條陳自強大計。暨設立達成館。並開設銀行各摺片。奉旨著軍機大臣總理各國事務衙門戶部妥議具奏。欽此。臣等查原奏內練兵一條。所稱近年中國既糜餉千餘萬。以養綠兵。復糜餉千餘萬。以養練勇。計各省實存綠兵練勇八十餘萬人。更新而不去舊。無此財力。制兵而不畫一。非善治軍。宜將天下畫分十鎮。海疆邊疆為重。腹地僻地為輕。堅強樸實之地多徵。膏腴柔脆之區少選。參酌西法。簡練新兵三十萬人。就各鎮形勢輕重差等。兵數多寡徵選。戶籍可稽。年在二十以上。二十五以下。體質身幹合格者。錄為常備兵。入營教練。期以三年。退為豫備兵。亦期以三年。退為民兵。期以五年。除其兵籍。自合操後。備兵每年一次。召集便宜地方。使之演習。皆視道理遠近。給予路費。民兵不集操。在籍者皆免本戶徭役。每歲十月。由各鎮揀派選兵官。分赴各屬。會同州縣驗選。合格者註於籍。隨時徵充常備。壯者入營。而老者退籍。老者退而壯者又復入營。歷三年。而一兵之餉得二兵之用。歷六年。而一兵之餉得三兵之用。九年以後。歲額三十萬人之餉。常得二百二十萬人之用。各鎮營制餉章。統歸一律。各營槍礮器械。統歸一式。舉綠營勇營悉去之。以其歲餉三千餘萬。而練常備兵三十萬人。重訂餉

章。歲約不逾二千萬兩。其餘以備洋教習薪水。豫備後備兵調操路費等用。計無不足等語。臣等查添練新軍。必須寬籌的餉。上年臣戶部籌款奏內奉旨令各直省將綠營兵額裁七留三。嗣經先後奏到。除山東請減五成。自本年始陸續裁汰。將每年節存餉項銀數。開單奏各辦理。奉旨允准。外其餘各省所裁兵數。多寡不一。現已時閱年餘。辦理情形。究竟若何。均未據續行奏到。擬請旨飭催各直省將裁減兵數及切實辦法。速行奏明。毋得仍以含混延宕之詞。一奏塞責。近來內外軍務均已平定。如江南之榆關撤回各營。陝西之善後防軍。固應一律盡裁。即直隸之練軍旅順之毅軍。長江之內河水師。亦擬請旨飭令分別核實裁減。以節虛糜。以上二項騰出之餉。專款存儲。以備添練新軍之用。以目前情形而論。亦只有就北洋袁世凱聶士成兩軍。及江南自強軍。湖北洋操隊。將西法切實講求。認真訓練。悉成勁旅。俟裁減兵勇。節省銀兩。核明確數。再行逐漸推廣。盛宣懷所奏。分畫十鎮。簡練三十萬人。舉綠營勇營悉去之。約計海疆邊疆。已屬不敷分布。而腹地僻地。過形空虛。亦非所宜。且三年退換。一弛不張。諸多窒礙。應請毋庸置議。至各營槍礮。宜歸一律。內外臣工條奏。多持此說。本年七月督辦軍務處奏請。飭下劉坤一張之洞將新製槍式。彼此較準。畫一辦理。迄今尚未覆奏。相應請旨飭催。並令將上海湖北兩局

廠每日可出快槍若干枝。每枝合價銀若干。迅速具奏。其理財一條。所稱欲求足國。先無病民。欲收商利。在挽外溢。加稅之議。聞洋人以釐金爲詞。蓋窺我國用之絀。必不能停收釐金也。應機決策。莫如徑免天下中途釐金。加關稅爲值百抽十。令彼無所藉口。釐金既免。即仿行西國印稅之法。辦理得宜。計加收之關稅。新收之印稅。合之當倍於釐金。西人通商惠工之本。其樞紐皆在銀行。中國亦宜仿行。及另片所奏。遴選各省公正殷實之紳商。舉爲總董。招集股本銀五百萬兩。先在京師上海設立中國銀行。其餘各省會口岸。以次添設。由商董自行經理。摺內又謂墨西哥國。以九成之銀鑄錢。運行中國。易我十成之銀。歲耗以億萬計。近來廣東湖北北洋南洋。先後鑄造銀圓。分兩輕重。悉准墨銀。既不能廢兩爲圓。各庫出入。仍需元寶。必致無銀可鑄。擬請在京師特設銀圓總局。以廣東湖北天津上海爲分局。開鑄銀幣。每圓重京平九成銀一兩。再酌鑄金錢及小銀錢。使子母相權而行。凡出款俱用官鑄銀幣。各省關收納地丁錢糧鹽課關稅釐金。俱收官鑄銀幣。元寶小錢。概不准用。惟收款仍照庫平十成銀計算。庫平較京平。定以每百兩加平六兩。十成銀較九成銀。每百兩應加色十兩。除各庫上兌津貼銀一兩。定以每百兩加色九兩。如應交庫平足銀一百兩者。實收銀幣一百十五圓。無高下輕重之別。無減平扣色之弊。以每年度支

八千餘萬兩計之。戶部約用盈餘平色銀一千二百萬兩。較向來各省撥解平餘多收當不下千萬等語。臣等查各省設卡抽釐。爲近來入款之一大宗。如果洋稅可以加至值百抽十。將釐卡一律裁撤。非惟入款足以相抵。抑且體恤商艱。無如值百抽十之議。各國多方齟齬。尚未定局。且釐金爲我自主之權。洋貨可免。土貨未能一律全免。印花稅雖擬仿行。將來辦理。能否得法。亦無把握。此徑免釐金之說。此時未便遽行者也。至開設銀行一節。業已奉旨責成盛宣懷。選擇殷商。設立總董。招集股本。合力興辦矣。其所稱開鑄銀圓。酌加分兩一節。是以維持利權之一策。臣等公同商酌。亦擬責成盛宣懷。俟銀行辦成後。准其附鑄一兩重銀圓。以十萬圓爲率。先在南省試行。如果可以流通。毫無窒礙。再由戶部妥議章程。奏明辦理。其育才一條。所稱西國人才之盛。皆出於學堂。中國各州縣。一時未能備設。宜令各省先設省學堂一所。教以天算地輿格致製造汽機礦冶諸學。而以法律政治商稅爲要。先設武備學堂一所。教以築壘測地槍礮製造彈丸發送隊伍分合馬騎控御諸學。而以兵律戎機有勇知方爲要。文武兩科。不能盡改舊制。似宜專設一科。裁天下之廣額。爲新學之進階。明定功令。使文武學堂卒業者。皆有出身之正途。齊仕進於科第。則聞風興起。有志之士。無不自奮於有用之學。並另片所奏京師及上海兩處各設一達成

館取成材之士專學英法語言文字專課法律公法政治通商之學兩館各以三四十名爲額京官取編檢六部司員外官取候補候選州縣以上道府以下令京官四品以上外官三品以上各舉所知出具切實考語保送另簡大臣考取分發兩館每年一切經費約需銀十萬兩由盛宣懷所管招商輪船電報兩局捐集解濟各等語臣等查學堂之設已由臣總理衙門於上年十一月議覆御史陳其璋所奏請旨飭下沿海將軍督撫於已設學堂者量爲展拓未設學堂者擇要仿行及本年七月議覆侍郎李端棻奏請推廣學校摺內令內地各府州縣或就原有書院量加程課或另建書院肄習專門業經先後奉旨允准通行各省遵辦至武備學堂現已設立者僅有南北洋數處自應酌量推廣擬請旨飭下各省將軍督撫體察情形能否於各省省會中一律添設之處妥籌辦理至所稱在京師上海兩處各設達成館一節自係爲急求人才起見應請照准此事爲國家重大之舉所有常年經費擬由戶部籌定的款按年撥結未便如盛宣懷所奏由招商電報兩局集股解濟以崇體制至館中一切章程及應送何項人員入館肄業之處俟建造房屋落成請旨簡放大臣後再行詳議具奏所有臣等遵議各緣由是否有當伏候聖裁再此摺係軍機處主稿合併聲明謹奏

光緒二十二年十一月初二日奉 上諭前據盛宣懷奏條陳自強大計並請開設銀行設立達成館各摺片當經諭令軍機大臣總理各國事務衙門戶部妥議具奏茲據該王大臣等悉心核議逐條具奏朕詳加披閱除指駁各節應毋庸置議或應暫行緩議外其練兵一條爲各省將軍督撫專責不論勇營綠營當此餉項支絀均應大加裁汰現在各省仿照西法新練各軍暨上海湖北製造槍礮兩局廠務須督飭該管將令承辦局員認真講求操練則毋襲皮毛器械則務求畫一並按照此次所擬辦法若者宜減定成數若者宜增創新章體察情形斟酌辦理理財一事戶部實任其難釐金據未能遽停印花稅亦驟難仿辦加稅之說迄今各國尚無成議惟開設銀行或亦收回利權之一法前已諭令盛宣懷招商集股合力興辦銀行辦成並准其附鑄一兩重銀圓十萬圓試行南省如無窒礙再由戶部議訂章程辦理育才爲今急務節經諭令各直省添設學堂實力舉辦其武備學堂能否於各省省會中一律添設並著該將軍督撫等妥籌具奏京師上海兩處既准設立大學堂是則國家陶冶人才之重地與各省集捐設立之書院不同著由戶部籌定的款按年撥給毋庸由盛宣懷所管招商電報兩局集款解濟以重體制以上三條經該王大臣等逐條核議均屬切實可行著戶部暨各將軍督撫等查照議准各節實力舉辦其

有前奉諭旨未經覆奏者即著迅速覆奏總之辦事須求實際徒法不能自行該將軍督撫等奉到此旨務須腳踏實地見諸施行毋得粉飾因循一奏塞責原摺著鈔給閱看將此各諭令知之欽此

總理衙門請設鐵路總公司摺

奏為統籌南北鐵路擬請設立總公司以一事權而便展拓恭摺仰祈 聖鑒事光緒二十二年八月初九日直隸督臣王文韶湖廣督臣張之洞復陳盧漢鐵路另籌辦法各摺片奉 旨王文韶張之洞會奏請設鐵路公司並保盛宣懷督辦一摺直隸津海關道盛宣懷著即飭令來京以備諮詢欽此當經 臣衙門恭錄電寄王文韶張之洞欽遵辦理并准軍機處鈔交王文韶張之洞摺片八月十六日盛宣懷親貴咨文來署 臣等公同接晤遵 旨諮詢并據盛宣懷呈遞說帖所論官辦之難商辦之難合洋股之難借洋債之難均確有見地所擬招股四千萬兩先借用部款一十萬兩由南北洋撥官款二百萬兩招集商股七百萬兩借洋債二千萬兩洋債則擬借諸美國此其大畧也部款一十萬兩 臣等自當如數籌濟以彰 國家維持鐵路公司之盛意南北洋之三百萬兩係現成存款亦不難就近撥用至該道所擬先收商股七百萬兩事權有屬當可招徠即擬借洋債一千萬兩亦歸該道自行籌辦由

公司訂借商借商還條理亦甚明晰覈之王文韶張之洞原奏大致吻合自應安速定議毋為道旁築室之謀 臣等以為鐵路亟宜興辦官款不吝通融惟事期有成總當前後貫徹 臣等擬就英德款內提存銀一千萬兩備撥俟該道將商股招足洋債借定即行應付以符王文韶張之洞原奏一面招商一面借款之意庶幾官商維繫成茲巨工惟此公司自必合南北統籌始能展拓蘇滬粵漢亦當次第舉辦督辦之員亦必隆以事權體制然後呼應始靈王文韶張之洞所奏誠不易之理也 臣等更有請者中國擬辦鐵路規畫逾年既定以盧漢為幹路各國觀聽所屬非雙軌不足為各路之倡雙軌加費亦復有限況湖北鐵廠鋼軌精良則雙軌之工更不宜惜此外測量道里製造工需與夫設棧用人一切未盡事宜條緒紛繁應由王文韶張之洞與盛宣懷逐一詳議奏明辦理所有 臣等統籌南北鐵路請設總公司緣由理合恭摺具陳並將盛宣懷所遞說帖一併鈔呈 御覽伏乞 皇上聖鑒訓示謹 奏

盛京卿 宣懷 擬辦鐵路說帖附印

謹將盛宣懷擬辦鐵路說帖敬繕清單恭呈 御覽

竊維盧漢為南北一大幹路於拱衛京師大有益於轉運商貨在其次此中利弊謹縷晰陳之

或曰官本官辦。直捷痛快。無如鉅款難籌。尤恐將來督撫志趣各殊。辦理紛歧。因噎廢食。如福建船政。創辦之初。左宗棠沈葆楨言之何其鄭重。卒至虛糜公費。不能推廣造船。在人以為利器。在我以為漏卮。以彼例此。勢必相同。此籌官辦之難也。

或曰商本商辦。便宜乾淨。無如華商眼光極近。魄力極微。求利又極奢。問路工何日可成。答以四五年。問路本實需若干。答以四千餘萬。問路息歲獲若干。答以四五年全工未竣。無利可給。聞者無不爽然而去。夫華商本無遠識。紳富則暗置恆產。有錢惟恐人知。商賈則挾資營運。一日不能無利。此集華股之難也。

或曰拼合洋股。款足易成。無如洋人合股之公司。事權全屬洋人。此路原為徵調而設。苟遇緊急之秋。彼守局外之例。不准運兵饋餉。適與造路本意相左。恐這一路予人以開端。各執利益同沾之例。相與要求。必將路路被人佔造。今日路屬何國。即他日地屬何國。此合洋股之難也。

或曰借用洋債。事半功倍。無如國債向以海關實款質抵。故各國趨之若鶩。僅由公司出名商借商還。祇能以鐵路抵押。而路未造成之際。本利全屬踏空。洋人以操為縱。勢必多方要挾。仍須國家批准。保其本利有著。而後可行。此借洋債之

難也。

又查盧漢地當上游。東南各省之貨客。江浙兩省之漕糧。由滬至津。與由滬至漢。輪船運費。日期相埒。萬無輪船由滬運漢之後。再轉輪車之理。是車運僅有雲貴川湘之貨客。路長而費繁。本重而利輕。華商孰籌已久。況路經鄂豫直三省。無甚富商大賈。故欲專指盧漢而招股。恐直無人過問。蓋洋務商務。惟粵滬風氣先開。乃居粵滬之商人。而視盧漢之公司。以為遠矣。此鐵路專指盧漢。而招股尤難也。

又查此項幹路。據德國工師錫樂巴云。由信陽州形似弓絃。約二千八百里。由襄樊形似弓背。約三千二百里。照津盧二百六十六里。估價二百四十餘萬兩。約平路每里將及一萬二千兩。加之黃河大橋。並鑿山填湖。共估四十萬兩。左右勘路繪圖。分頭開造。至速必須四五年。似此艱難曠遠之鉅工。付諸位卑望淺之外吏。士夫讀書稽古。必詫為曠代未有之奇。不解公司條例。銀錢俱屬股商公舉之總董經手。或仍誤會利權操於一人。稍不遂欲。謗議橫生。能使功成而後退。成敗自有定論。若竟事墮半途。一身不足惜。其如大局何。此鐵路委諸宣懷而任事尤難也。

以上情形。宣懷在津在鄂業已據實稟明。茲奉 飭傳到京。仰蒙諮詢所及。遵當直抒所見。以備採擇。

一請特設鐵路總公司。先造盧漢幹路。其餘蘇滬粵漢等處。亦准該公司次第議請展造。不再另設公司。似此西北造路。東南商股。方能號召。且可混各國窺伺之心。斷却無數葛藤。即使各國來議。或可援照電綫飭交公司。查照公法理論。亦可稍助公家之力。隱消萌孽不少。

謹查直督湖督會奏。蘇滬鐵路。歸併盧漢公司。不再另設。係恐南北兩路。同時並舉。商力愈難。更恐南商專力南路。轉致北路落後。莫如通力合作。庶可先成北路。及八月初四日。調回新加坡領事張振勳到滬。面稱南洋各埠。及粵港華商。均以盧漢不願入股。無法招徠。如准其帶造廣東鐵路。粵人方願入股等語。查許應鑄招股章程內。本有續由漢口接至廣東。以期筋節靈通之語。擬請現立公司。不以盧漢限制。並非跡涉恢張。實係注重幹路。

一請由鐵路總公司。招集商股四十萬股。每股銀百兩。共總收齊。計銀四千萬兩。自開工日起。至工竣日止。擬先收商股七百萬。為公司根基。並請暫入官股二百萬兩。為天下倡率。官股亦照商股。掣發公司股票。申送戶部存儲。俟大工告成之日。官商股分。一律收利。將來或永遠列作官股。或俟商股充足。隨時歸還。悉聽官便。

謹查南洋請辦吳淞至金陵鐵路。原奏內稱。估計七百萬兩為度。所借瑞記洋款。尚餘二百五十萬兩。體察兩年後。兩淮鹽務。尚可再籌一百萬兩。共計可得三百五十萬兩。足敷成本之半。其餘一半。概招商股。先令造吳淞至蘇州一路。再令造蘇州至鎮江一路。以達金陵等語。今會奏請將蘇滬鐵路。歸併盧漢。合一公司。所有備存蘇滬造路官款二百五十萬兩。可否照原奏撥作鐵路總公司之官股。至兩淮鹽務之一百萬兩。恐不可靠。擬請將直隸所收海防捐款。撥銀五十萬兩。共成官股三百萬兩之數。目前擬先造吳淞至上海一路。將來續造上海至蘇州一路。俱無庸再請官本。

一請由公司先借官款一千萬兩。續借洋款二千萬兩。五年之後。分作二十五年歸還。每年應還官債本銀四十萬兩。洋債本銀八十萬兩。按商股四十萬股。每股每年僅須繳付本銀三兩。中國商民。不富而庶。零星積攢。輕而易舉。照西例買票後。有需錢用者。股票聽其售與他人。但執票者不准不依限續繳。如不繳即作廢紙。約至十餘年後。各人已執有股票五十兩。以六釐利息計之。即可將利繳本矣。

公司忠信爲主。揣度此票似可通行。

謹查商股必在路成之日有利可收。方能招集。洋債亦須俟工將及半。有路可指。方能抵借。所以除官商股分千萬之外。必須先借官債千萬。趕緊造軌。分道開工。俟造成軌道一段。再向洋商貸借一款。擬以實抵。不作空欠。先與該洋商訂定合同。庶不致受其要挾。至公司請借官款。官亦無非將所借之洋款挪撥。一俟路工告成。即當與公司洋債一律按期繳息。分限歸本。惟路工未完之先。暫免繳利。仍俟將來餘利充足。如數補繳。並擬定公司股分。得利在一分五釐之外。酌提餘利一半歸官。藉伸報効。

一請鐵路悉照公司章程辦理。應遴選各省公正殷實。聲望素著之體面紳商。舉充總董十二員。又選身家殷實。熟悉商務之幫董二十四人。公同招股。再由三十六人。公舉銀錢總管。工程總管。參贊監察諸執事。俱按西國規模。盡除官場習氣。如有絲毫弊竇。准由有股商人。指實究辦。並由戶部及直湖兩督。隨時派員到工查察。如果查出員董有弊。即可隨時指發究辦。一面由鐵路督辦。另議撤換。

謹查鐵路必先遴選頭等工程洋師。勘路繪圖。謀定後動。否則毫釐千里之謬。難以半途更改。擬借何國之款。即募何國之匠。美國未貸官債。並於中國無所

覬覦。鐵路工程尤精。如借美債。用美匠。各國忌心稍遜。中國於鐵路工程。尙無專門之學。駕馭洋匠。教習華徒。考求工料。研究地形。隨在俱關緊要。而用人理財。尤非精神貫注。不能取精用宏。風清弊絕。管窺蠡測。畧貢所知。斷難驅策羣材。肩斯重任。惟乞另簡賢能。早成要舉。大局幸甚。

浙撫廖分派各府縣時務報札

爲札發事。照得昔人有言。欲知古事。莫如閱史。欲知今事。莫如閱鈔。所以增益智識。練習事理。二者其大端也。近年歐美各國。盛行報館。每館出報。多至數萬張。每國設館。多至千餘處。或敷陳政事。或研求藝術。紀近事以知務。載羣言以集思。意蓋在乎牖民事。可資夫規。中國自互市以來。世變日新。講求宜亟。茲查有上海新出時務報。議論切要。採擇謹嚴。於一切舟車製造之源流。兵農工商之政要。旁搜博紀。尤足以廣見聞而資治理。本省文武官員。留心時務。諒不乏人。爲此特購時務報全分。每分共計九冊。發給各該員。以資披覽。嗣後即可按期購閱。當於政治有裨。再書院爲培植人材之地。各該地方官。亦當隨時購給一分。俾肄業諸生。得資探討。以長智能。更爲切盼。除分札外。合特札發。札到該員。立即遵照。仍將收到報冊日期。並遵辦緣由。備文報查。毋違特札。

嶽麓院長王益梧祭酒購時務報發給諸生公閱手諭

諭嶽麓住院諸生知悉竊維士子讀書期於致用近日文人往往拘守帖括罕能留意時務爲太平無事時之臣民猶之可也今則強鄰逼處列國紛乘朕我脂膏環顧幾無所憑恃 聖天子焦勞於上羣有司惕厲於下爲士子者若不爭自振奮多讀有用之書相與講明切磋儲爲國器出則疏庸貽笑無以勸相國家處則迂腐不堪無以教告子弟枉生人世孤負 聖明恥孰甚焉現在京城奏奉 諭旨由官開設書局廣譯圖籍任人縱觀興學育才已有日新月盛之美院長念住院諸生大半寒素卽尋常應用之書尙苦無力購置豈復能多蓄餘貲廣搜秘籍查近今上海刻有時務報議論精審體裁雅飭並隨時恭錄 諭旨暨奏疏西報尤切要者洵足開廣見聞啟發志意爲目前不可不看之書自本年七月起月得三卷由報館分寄各省徧爲傳布蓋憂時君子發憤而作也茲與城南求忠兩院長公同商定購送書院俾士子得以瀏覽通知覈計嶽麓書院新舊十齋合屈子道鄉二祠爲十二齋購時務報六分每二齋共閱一分由管書齋長隨時派人分送每齋自第一號起盡一日之力或繙閱鈔謄或略觀大意各從其便次日遞交第二號以次至末再遞交第二齋第一號復以次閱畢若齋房多少懸殊由齋長酌量勻派仍繳歸管書齋長收存備來歲住院士子依

次領閱之用每分需費三元每年六分共十八元卽由獎賞項下扣提不另籌款湖南本忠義之邦書院尤英賢所萃惟慮方隅稍僻聽觀未宏開拓心胸端資簡冊諸生當知才分雖屬天成識見可緣學造時命縱難逆料經濟所當夙儲勿徂故常勿安卑陋由此漸摩歲月必有奇才異能出乎其中上備 國家棟梁之用此則院長所日夜企禱者也切切特諭

歐亞氣運轉機論 續第十七冊

香山張壽波來稿

然則俄所最留意者其以弱天下威力爲首務乎威力何在在富強富強何在在商務海上之商務英之老謀勝算扼其權者六十年矣俄之形勢海道不足與英敵然大陸橫亘二萬里幅員毗連二大洲固俄所獨得而天下莫能與爭者也得此地勢而不用則俄國富強之基不立而天下之威力終不能以爭勝英之所以雄長海內者商務爲之也不奪英之商務斷不能弱英之威力英之威力不弱是終不能申俄之權力以爭勝於天下也故西伯利亞之鐵路爲奪英之商務計者本志也商務何以奪曰以捷奪之以廉奪之以安穩奪之攷輪船航海日期自日本至倫敦取道新加坡繞蘇彝士河須二十八日遵太平洋走加拿大橫過美洲經大西洋須二十八日若附西伯利亞鐵路由旅順口至俄舊京墨斯科計程不過十三日則鐵

路速而海運失其捷矣。公司船價自中國至法國馬塞海口。海道至此以後當附火車上等艙須洋九十五鎊。二等艙須洋七十一鎊。三等四等艙須洋四十三鎊。二十八鎊。若火車由旅順口經西伯利亞至倫敦。頭等車價不過二十一鎊。則車價賤而船價失其廉矣。地球各處來往船隻。每年擱淺失慎。碰壞沈沒。遭風報失事者。時有所聞。火車意外之變。雖間亦有之。然傾碰之險。較易保衛。辦理之法。較有把握。則安穩又輪船所不如也。捷且廉而又得安穩之道。其爲大礙於海上商務者何如也。

今日地球商務之盛。凡在我中國海面及內地者。百分之中。英居八十分。西伯利亞之鐵路成。不特英所居八十分之商務。將由此衰敗。卽各國之商務。亦將由此而更加減色。是故各國知俄之用意。皆羣起而向我中國爭取利益。以求補救。龍州之鐵路。將以救越南商務也。思茅廳之商埠。將以救緬甸商務也。沙市重慶蘇州杭州之新口岸。將以救日本商務也。今聞法國據甲申和約。又欲包攬中國幹路。是更欲奪中國運載之利。而總握中國商務之權也。各國深明亞洲變局。甚有關於地球商務之衰旺。與國勢強弱之本基。故亟亟謀此。不遺餘力。特夷然未之知者。中國耳。

我中國處此危局。而夷然未之知。故夫各國之爭起攘奪。凡我一切本有之利益。皆得漸次賤削。其有求之不得。得矣而未盡如其志者。且將設偵探。布黨類。聯聲勢。市

義俠。甚或肆劫奪。逞兇嚇。必待濟其貪念。飽其欲壑而後已。中國步步退讓。節節失算。以爲極耐報之義。盡友邦之誼。彼族或將感我親我助我。以保太平之局。不知我之勢漸失。我之權漸替。我之利益漸盡。則我之命脈漸絕。斯時他族起而猝掎扼掣。如英之於印度。如義之於羅馬。雖欲救藥。不可得已。是故我國之弊。莫有甚於今日。我國之險。亦莫有急於今日。

然則我國受益之處何在。乎。曰。危險之所伏。卽利益之所在也。我國今日勢德矣。然未失也。權弱矣。然未替也。利益分矣。然未盡也。使自今日取國中一切本有之利益。蘊於地者。採取而鎔煉之。滯於路者。接連而貫通之。失於土宜者。詳究而栽培之。絀於人力者。補助而興起之。其或敗於向章。格於成例者。革除而斟酌之。新我百度。展我智力。勵我臣庶。整我綱紀。則西伯利亞之鐵路。將以助我轉運。通我商務。益我富強。而復我威力。在此舉也。

或辯曰。中國之窮蹙極矣。東三省之形勢殆矣。亞細亞之大事去矣。俄之軍艦。紛調於太平洋矣。俄之兵力。厚集於海參崴矣。雖欲奮發。奈強敵之交逼。何。釋之曰。俄調軍艦。厚兵力。非贖武計也。各國之威力未弱也。西伯利亞之路未竣也。與東方牴牾之迹未顯也。然則何爲乎。曰。將以營布中國所許之密約也。今日之密約。招各國疑

忌俄之所自知也。不先發以震攝各國。羣或起而撓之。又俄之所深慮也。孫武子曰。無恃其不來。恃吾有以待之。無恃其不攻。恃吾有所不可攻。俄之智師此耳。

或又難曰。俄忌刻之國也。中國強於俄為大不利。不利於俄。俄必抑之。勃爾加釐亞之事。龜鑑也。勃爾加釐亞國在俄土之間。一千八百八十九年。勃爾加君哈吞曰。中國非勃比也。勃小國與俄有約。准干預其內政。中國於俄無政權。且盡吾地力。興吾工藝。流通吾商貨。於俄駁載之利。稅課之項。未嘗無補益焉。獨是維新以後。我國勃然興起。漸次收回權利。俄人吞并之志無所得。未嘗不隱生嫉忌。或者溢譽以惰我。虛尊以驕我。乘隙以抵我。攫取津要以制我。是則俄之伎倆也已。

由此觀之。外權削弱不足惜。藩服剝撤不足慮。強鄰營伺不足慄。惟此驕惰之病。不藥。抑制之謀不覺。斯大可懼。夫錮聰蔽明。上下諱飾。事事敷衍。動曰循例。此惰氣也。枵然自大。朝野隔絕。庶政弛敗。以為過人。此驕志也。故雖有土地疆域。生聚礦產。一任強敵之愚。我弄我抵我制我。而晏然粉飾。惛然酣嬉。猶曰公法可信。公法無滅人之時。勢兩強相遇。乃有公法。一強一弱。則公法不足恃矣。況西人不和約可恃。會兵以平等之國。視中國。今不得入萬國公法。會者波斯突厥與中國已和約可恃。會兵請局外割斷之例。英美各國多有行之。然中日立約。我國欲增入此款。日廷阻之。是亦能以勢力交者。乃有濟耳。嗚呼。此波蘭之所以滅也。此回部之所以盡也。此斯拉夫族所以得蔓延於歐亞也。世之君子。其思之否乎。

英文報譯

桐鄉張坤德譯

中國通商各口二十一年分商務情形 續第十七册 譯倫敦東方報 西十月

論關稅 中國海關所收各稅。本年計二十一兆三千八百五十三萬五千八百八十九兩。比之八十八年至九十四年。數歲所入較少。實由失守臺灣。及被佔據牛庄所致。緣中國關稅。八十七年。已過二十兆兩之數也。本年進出口稅。共計十六兆二千五百萬兩。其中英國貨物所輸納者。凡十兆二千五百萬兩。船隻所輸納者。凡三十一萬四千兩。曲蘭雪脫稅計五十萬兩。其中英國貨物所輸納者。凡二十一萬四千兩。洋藥釐金計四兆十萬四千兩。其中印度土所輸納者。凡三兆十萬八千兩。各項并計。中國關稅百分之中。英商所輸納者。實不止六十四分。查所入洋藥稅。現在不及往昔五分之一。而五年前所收。尚不止四分之一焉。竊我等駐紮北京。聲氣難通。論說商務。本屬不易。緣京都既非通商口岸。遂無僑寓洋商。欲覓舊商。曾於某項生意。經營多年者。向之探訪情由。憂乎其難。惟詳查各海關冊報。及各口領事具報情形。中國本年商務。似無十分增減。中國更張各舉。預兆頗多。并有數事。自上年有事之後。其開辦根基。業已一律改新。惟於商務一道。其中有進境者。亦有退後者。未見變動。譬如茶務與英美等國交易者。頗形減色。而此項

生意減色已逾多年。再如茶務與俄國交易者續有增加。而其加增之勢。經久不移。若此均未重加整頓。本年進口印度土頓減。及絲業大興。二者均屬合理。中國新擴充各舉。其顯而易見者。如各口進口。日本貨之加多。如進口機器之自由無阻。又如因此中國所織尋常之布加多。凡此皆屬實情。亦應籌及者也。

英國在東方貿易局面。實有可自賀之道在焉。至其與中國相關利益之大。及中國所入稅項。大半取諸英商。已經詳細陳明在前。即中國近來訂借國款。所需利息。大都出自英國貨物。自亦不待言矣。是故英國在中國商務。若復加推廣。卒能獲益者。其惟中國乎。不幸中國當道。未能有鑒於此。每重一本士。英國錢圓十二本士為一先令四先令為一銀圓是

以一本士即一先令十二分之一也。之釐金。而輕一鎊之關稅也。英國商務在中國局面雖大。仍須不遺餘力。保守而整頓之。所惜現在局面似已至極頂。頗有停止之勢。而各國爭奪我利益。欲從而破我局面者。又不乏其人。而當局置若罔聞。此則英國所不幸也。

論蘇杭交涉之棘手

譯上海西字林日報西正月

本館閱西十二月二十四日邸鈔。知有精進之侍御名宋伯魯者。奏請皇上降旨。飭於鄉科時。命題考試洋務論說。及改新善策字樣。摺內詞意懇切。該侍御所陳。固屬

忠義可嘉。惟改新最善之策。莫如將守舊各生。革去頂戴。勒令回鄉。並誡以嗣後度日。務須安分守己。改新之妙。莫妙於斯。或該侍御猶未之知也。中國無知識無廉恥之貪官暴吏。不知凡幾。無非消磨貧民之骨肉。侵蝕肥己。其弊比之蠹斯。為患殆有甚焉。然則時勢之壞。又莫壞於斯。或該侍御亦未之見。未之聞也。而旁觀者則清以中國近事。秉公平心而論。非整頓官制。或盡去其官長。不足以救此古國之滅亡。救法匪易。行之維艱。然中國不能自為之。則中國亦不得自立矣。昔歐鈞黎古時以力名於世。灑掃奧基恩牛棚。工程雖巨。比之灑掃中國。奚啻兒戲。緣奧基恩棚中。所餵之牛。僅三千頭。所積污穢。僅三十年耳。而中國內之人。不知幾千萬頭。其國中相沿之敝政。又不知傳自數千百年。夫才力如歐者。固不數觀。即能否得一人。如右立斯希歐。司其才力比歐。之輩。為之攘臂而起。掃除積習。尚不敢料。據目前所見。實無得此人。之望。其尤可危者。中國無論治人或治於人者。並未知國之亟應灑掃也。此次可憐可笑之軍務。議和之後。議論改新者。紛紛攘攘。固不乏人。然類皆粗獷之言。徒託空談。毫無實濟。中國今日之官制。孰得謂比之三年前。已稍清廉。已稍明亮矣。或曰。中國官長。皆在署中執茶杯。搖首而長歎。其不可為國也。噫。其歎息固若此。而其志向。又如彼。茲試舉一端。以表中國官場尋常辦事之法。就軍務後而言。辦理馬關條約。

所開之蘇杭通商口岸。最爲切近。請卽以此論兩口地方官辦法。不信守日本條約。而諸多爲難。此必係大員所命。固無疑義。其於畫界之事。仍照中國舊習。曰請示也。曰推託也。曰遲延也。百計多方。日益阻難。蘇州開議租界之時。華官之藐視日人情狀。實俄國干預使然也。憶設租界之處。華官先請以距城二十里之稻田開辦。經洋官漸漸設法。耐心辦理。始得現在所定地址。而附近該處有用之地。華官已借名某公司。謀爲己有。此固意中之事。不足奇也。杭州辦法。亦復如是。開議之時。華人胸中存見。已先有二。一激怒相與交涉之洋人。一於開辦租界。從中取利。任意勒索。此二者。華官俱如願以償矣。杭州租界內田地。其以常價購得者。現在售與洋人。照田地章程。每畝價洋一百五十。或二百五十元。而華人由此所得利息。與所謂爲民父母者。在蘇杭兩口謀得之地。擬俟修築鐵路時。希圖善價之利息。兩相比較。則此次所獲。猶其微焉者也。總之地方官於此事辦理之遲延。及其所定礙難施行之田地。與行船章程。歷來辦法。莫此爲甚。然此皆意中之事。蓋與中國官員。辦理交涉。知非堅執力爭。不得遂我所欲也。所有中日交涉各事。現在尙未議畢。而已議定之事。辦理甚爲得宜者。蓋由日本所派之真田領事。熟諳中國取巧玩疲之處。卒有法以制之也。第開口岸之事。不僅有關日本一國。而與美英各國利益。均有關係。既與我利益

亦有關係。現在辦理杭州情形。豈不應熟商而審處之乎。查馬關條約。訂明蘇杭兩處。開作口岸。准通商各國人民。來往貿易居住。工作製造。一切章程。及應享利益。與在華已經通商各口岸同。乃中國大員及其寮屬。多方籌畫。似志在廢棄馬關約內之條款也。其第一層辦法。僅與日本有礙。而其所爭管理街道。及按設巡捕各節。其意固屬可嘉。乃爲日人所駭。卒不得行。本館聞之。曷禁欣幸。其第二層辦法。又擬定章。阻滯運河商務。而日人又駭以杭州係訂爲通商口岸。非閉關拒商之謂也。至中國大員所擬田地章程。終究如何定法。我當靜以觀之。惟現在其所擬各款。爲已通商各口所無。亦顯而易見者也。而僑寓新開各口之洋人。華官刻待。及阻難情形。尤爲歷來所未有。以中國城邑而論。杭州實爲可造就之處。其紳商之求仿行西法。求利便商務郵政也。情殷孔亟。而有司意謂。凡有整頓。可加入款之處。固其所願。惟洋人來往貿易居住。工作製造。一切約中。雖載有專條。其必使之不能稍沾微利。而後已。杭州無功名之土民。初次售地與英人。有司雖將地契。蓋印成交。而華員乃飭將地主收禁。至今猶在獄中。輾轉受桎械之苦。於此可料洋人與該省土人。將來交易。必難暢行。噫。口血未乾。而有施行條約之責者。先自棄約而背違之。此亦中國慣習之事也。我不憚煩之領事湛米孫君。曾因此案。躬親晉省者兩次。華官行爲。諸多觸

犯而其所請轉使有司加怒於監禁之人。又復何益。然則此案申請駐京公使辦理。卒或能調停如意。惟如此辦法遷延。在所難免。而茲際無辜被禁者。已不勝其苦矣。觀該省有司於此案辦法。我國非亟理論以禁效尤不可。其違犯條約。彰明較著。我應得之權利。立有明條。是故該省官員。尤應訓以條約之不可輕犯。我願該員因此案嚴行被究。以示懲一儆百也可。

按西人於中國弊病實未能澈底深知。至於中國政教好處。尤未能詳悉。惟自近年以來。各報每以詆謾中國為最時式之語。故不論理之是非。事之曲直。惟以謾罵為得計。然彼之所言。正可為我研究之資本。館於此等處。不敢譯印。尤不忍不譯印。惟希閱者鑒之。

俄國西伯利亞鐵路工程

譯倫敦東方報 西十一月十六日

西伯利亞鐵路各工程。其確已告成者。據俄國陸軍某書手。略述大概。謂現在已造成之路。計長五千二百五十英里。西伯利亞西邊鐵路。現在開行。人貨均可裝載。惟經過歐鐵許及屋皮二河。所需橋梁。尚未完工。過河時。夏季用船渡。冬季則在冰上用無輪車渡。所有崔黎愛平赤克至愛開德林勃一路。業於上年開行。惟沿該路。均暫用木橋。亦於是年告竣。此等木橋。將以鐵易之。中西伯利亞鐵路。僅屋皮至鮑勞

脫那一段。現已開行。其自鮑脫那至濶拉斯瑞埃赤克一路。將近告成。所有屋以東各橋。仍暫以木為之。其在野依河上之鐵橋。業已工竣。惟經過中西伯利亞所有之鐵路。一千一百英里。至少尚須一年。方能築成。再歐克赤克以上第二路。即至立司肥尼赤那一路。丈勘工程。尚未竣事。自甘爾江四圍一帶。鐵路除水閘在造。未成外。餘未動工。惟黑龍江一帶。所需鐵路。四百英里。應預備一切工程。即將完工。惟此路多天生阻難之處。至少須築地道一長路。惡沙立下游。鐵路約長二百五十英里。業經築畢。此即自海參崴至格蘭夫斯克之一路也。自格蘭夫斯克至埃曼沼惡沙立岸。另有一短路。凡七八英里。惡沙立上游工程。現在趕造。冀得早日接通各路。直至客拔洛無客地方。據官場算計。聖彼得司勃至海參崴鐵路。其往來無阻。工竣日期。當在一千九百一一年之元旦也。

西伯利亞鐵路

譯橫濱日日報 西十二月廿九日

美國新報謂。今我所見。果能功成。行路之人。不久當可在地球周圍。束一衣帶也。其束帶時日。要不過三十天耳。鐵太尼亞王后信差。素以星馳電掣名。而我輩步其後塵之速。將使周遊地球之奇談。為尋常行路之筆記而已。夫此說之果能有其事。專候西伯利亞鐵路工竣。以驗之也。此路將為天下最長之鐵路。除已工竣之七千五

百里外。英外僅存二千里。尚未修築。觀其工程趕造之速。似可預決此路開至太平洋日期。必在一千九百一十年元旦之黎明時也。亦實為俄國擴充各舉之中。最屬可觀者也。俄國修築此路。均照美國辦法。此我國聞之。所堪自慰者也。憶俄國曾議及派快船。經過箱館。與俄鐵路。東頭相接。此舉固必如議辦理。即此等快船。將來必走金山一帶。亦意中事也。有此新道。行路日期既速。商務自必暢行加廣。水陸並行。周遊地球。或自東或自西起程。所需時日。大概如左。自舊金山至紐約。四天半。自紐約至勃雷門。七天。自勃雷門至聖彼得斯勃。一天半。經俄國至太平洋。十天。自西伯利亞至舊金山。十天。由此觀之。若走此道。但須現在繞道。所需六十五天一半時日。比之秋爾司佛恩所著遊歷書內。周歷地球八十天之說。豈不減之又減乎。

海底照相

譯英國公論報 西十二月十八

少佐愛爾勃革黎無司。先於福託格蘭飛克照相時報畧述新究水底攝影之法。嗣巴西國水師船長。名卜易鐸者。亦著論說。載諸某水師報中。茲將革黎無司所述錄下。水底攝影。固非新法。然昔所試驗者。悉未合式。一經成功。無論何等海底工程。水務機匠。即有一定不易之法。以核算之。既可驗看船底。即船不能人又可查察暗礁。

其於水師海商。均有裨益也。且用此法。不特可察看海底。即海洋深處之活物花草。復能攝其影而考究之。水戰之時。藉此可定位。按設水雷炸藥。以及堵塞海口。所需之鐵練木料等物。惟此海底照相器具。欲其使用合宜。有二要事。須知要事。維何。曰。光力必足。照相之匣。必密縫。絕不透水耳。按卜易鐸所用之光。係得諸勃恩司頂造之法。之電燈。其法。蓋五十縛爾得。力電及五愛母配加燈置箱內。配在泐水人之高帽頂上。光發出時。係三角尖形。照在箱後面之回光鏡上。復經過前面之玻璃。電燈所需之光。可由小輪船上製電氣之器具得之。其攝影機器。係一包探所用之照相匣。封在五金匣內。匣有玻璃窗。裝在箱內。附諸泐水各器具。所用之品。有一螺絲。經過不透水之匣。使之轉動。所有用此等器具。試驗各效。頗稱合式。凡物隔三米突遠者。照之。如在白晝日光之下。無異攝影。亦頗迅速也。

尋船新光

譯上海西字林日報 西正月十二日

法國水師兵官。新創一光。謂之爾辣脫曲辣伯。西語提鼠籠也光。其用處。經某報錄登如下。某日傍晚。五點鐘時。法國派駐地中海水師。由馬賽開行。僅留滅魚雷船名福松者。在口內。飭令於水師出口後三點鐘。再鼓輪往尋。福松遵於是晚八點鐘。起錨追尋。將船上各燈。一概吹滅。但用此新創之光。初水師駛行方向。船上無一人知之者。而

於半夜一點鐘時。福松已尋到。水師並同行焉。所謂爾辣脫曲辣伯光。爲物不大。放在船之後梢輪船上面。用此光時。船中不可另點他燈。其發出之電光。船之左右。外人均不能見。惟有對船頭在於一定情形。其情形但尋船者知之。能見此光耳。藉此新法。夜間並可放號。而尋常放流星。及放閃光之法。遂不足用。因轉能使敵船知我水師所在之處也。船上有此新光。即使他燈均滅。亦能指引各兵船排列一行。雖在海面最危阻之緯度。亦可無患。其光僅法國水師中有之。歸福松船主又一發誓之。某兵官經理一切。其光貯在船中。格外一房內。房上鎖匙。船主執之。觀其防範之嚴密。深恐爲外人所知。亦足見法國海部之鄭重此新光也。

泗水新機

譯英國公論報 西十二月十八

泗水人中。雖最有歷練者。亦不能入水之極深處。何也。曰。水愈深水之壓力亦愈重也。有瑞典機匠。名活漏者。承招包撈某沈船。因新創一機。使工人在水深處工作。其身之周圍情形。如入露天之地窟。然所謂新機。係一鐵管數節接成。共長一百八十四英尺。管之一頭放大封固。此放大之一頭內。能容數人在此工作。管內有軟梯。工人入管。扶梯而進。管中工房。有窓若干面。俱以厚玻璃磚爲之。緊合至不漏水。鐵管之外。懸有電燈。明燭幽微。使工房中人。得見窓外各物。管內配有機桿各具。藉此可拉住。或砍斷。或鈎起。或綁縛。練條繩索等件。皆得自管內。任便轉動。是故管內之機桿各具。其轉動與海底奇獸之手足無以異也。機底附有壓船重物。使機沉入海底。及至底後。復可藉此停住不移也。

電光攝影奇觀

譯橫濱日日報 西十二月廿四

凡目不能見之物。用勞忒根光。帶攝影新法。即能照出影像。此法疊經精益求精。現在不獨身內骨架之外形。易於見諸照相鏡內。即較大不透光之上焦。亦能視見。由此活人之心。在身內跳動。以及骨架之影。確能顯見。茲將密希甘大書院試驗此法情形。照臺曲勞新報所載。錄登如下。
密希甘大書院之長。近由醫家數人。幫同在格致堂。用巧製器具。疊次悉心試驗。諸君及所請各客。得見活人心動。且人走動之時。並能見其身上各處之骨動靜。實屬奇觀。各客不甚精格致理者。見之莫不駭然驚。而悚然懼焉。

脚踏火龍

譯橫濱日日報 西十二月十四

某法人新製脚踏火龍。現放在勃立登地方。示衆。其車即前後兩輪之尋常脚踏車。二輛。並駕二車。脚踏之車輪。用一軸。接連二車中間近軸之處。設有皮帶管一捲。及抽水具一架。全付機上。可坐四人。一踏車。一吹號筒。使車馳赴火場。所經之處。咸知

驚信到火場後將皮帶放出另有巧機將脚踏之輪由地擡起擡空俾車不致翻倒救火人將足上下踏車似行路然抽水具即因運動水自噴出其噴出之水能噴至九十或一百尺之高全付機僅重一百二十磅遇小住房失慎此車往救其能趕到火場之速以及其抽水具力量之大實為滅火利器之中至足寶者也

一雨不落地

譯英國公論報西十二月十八

潤祿拉駝沙漠時有大雨而雨水無一點落地者也雲霄之中明見雨絲直下及至雲霄之下離地一半遠近雨遇乾燥炎熱之天氣遂為此氣所收吸嘗見暴雨傾盆雨絲尚未及地已歸無何有之鄉矣甚奇觀也考熱地天氣在樹蔭中熱至一百二十八度者始有此種怪雨也

西國考場舞弊

譯英國公論報西十月廿一日

數年前考生入場改用圓式界棍西國畫格之棍禁帶扁式以扁式界棍最易抄文夾帶此規一行初以為界棍夾帶之弊當可杜絕乃不久查得圓式夾棍每被挖空抄文填寫帶進場中自此之後無論何式界棍不准私帶入場近考試時有一少年考生食糖不止監考告以場中食糖有犯場規考生答曰因患喉痛故服咳嗽藥餅監者信以為真遂置不究若非另有監考某君亦患咳病幾為該生所蒙緣數分鐘後某君忽咳嗆大作深恐驚擾考生急欲止嗆遂步至少年考生處求其惠賜藥餅一枚以止咳嗆考生桌上尚存藥餅少許聞言羞慙滿面訥訥不答繼而放聲大哭始以瓶交監考迨查察藥餅乃大薄荷餅即從前老輩所喜食之物而餅上則滿抄成文始知考生之窘蓋為此夾帶也

場中於考試時本不准考生彼此來往接談而此規鮮有犯之者緣甄別時考生彼此相爭無不忌妬有時考生求互核算學卷紙而藉此上下其手鮮有不為監考所覺察者也上年考試時有某考生一女子也以寫字鉛筆敲桌不止初以為其故意惡作劇嗣因該女子敲桌纔止其坐處相隔不遠另有一女子亦以筆敲桌效尤監考懷疑嚴行察看始知二女子彼此用毛斯電碼法透漏號碼所有電碼點畫以筆敲桌輕重分之毛斯電碼僅分點畫輕敲為點重敲為畫若四點一畫為一二點二畫為二之類尚有一法為考生所喜用者以題目紙書寫成文彼此相換耳此法自須暗中陰為否則必為監考所覺其法最常使用者考生二人就座時設法一前一後將題中所問擬定答語然後將所答道理書於題目紙上既畢二生同時落紙地上裝作偶然之事各俯首就地拾紙互相掉換現在場規題目紙上不准書寫記號蓋以禁止此習耳

國家考試之時考生因拼法錯誤不得錄取者查有十之五之多由是觀之考生恐

不售者。私帶字彙。實屬事之無可異者也。憶某處招考女書手。某考生。桌上放一大香料瓶。常以鼻嗅之。而每嗅必先向瓶中細看。似察瓶中之物。然監考者目光甚利。見之疑瓶中必有別情。因向考生取瓶察之。疑竇頓釋。蓋瓶中之物非他也。一八角式之活軸也。每角刻有微細字母。皆常易拼錯之字也。瓶之外面。有一小螺旋。與軸相連。故轉螺旋。則軸之八角。面面可觀看。如意此舞弊之一法也。一女子夾帶手巾。抄有多字。此又一法也。又考試地理志。有時最重者。在默地圖。而考生以默圖為難者。頗不乏人。甄別時。考生私帶。刻在錢洋及小器物上之小地圖。依樣繪畫者。察出數起。有某考生用木一小塊。木上畫地圖之形。圖形周圍一圈。每隔不遠。嵌一細針頭。乃以木壓紙上。針迹畢露。然後用筆將針迹連起。圖形自成。既有圖形。繪畫地圖。何難之有。其舞弊之巧如此。

審斷喀律致死事 續第十七册

譯上海西字林日報 西十一月廿一

力芝飛爾特因發誓控告 至此方能指定喀律妻為 曰。我大狀師海唔類崔爾斯名。力芝飛爾特。姓。今奉英國國家之命。在日本仁奈川 即橫濱 英國公堂。因有實在原故。疑心安的士美酣活爾 名喀律。夫姓 於一千八百九十六年十月二十二日。起意謀死華爾忒 名喀律。姓 與英君主所定平安國律違背。故行發誓控告。遂籤英國國

家原告大狀師海唔類崔爾斯力芝飛爾特字樣於下。問官乃令退堂。西曆正月五日。駐紮日本英公堂按察使莫為忒升座。審問被告謀害丈夫密西思喀律。領事楚羅伯亦在坐。國家原告威金生 上海公堂之國家狀師 及力芝飛爾特。又被告狀師老胡特。均到案伸辨控詞。與十七册 同不覆列 讀畢。密西思喀律曰。我實無罪。公堂所選陪審官 西例凡有陪審官由公堂選不到則科罰 有四人不到。當罰每人洋五十元。遂選滑震夕洪生抹克來倫派忒生待味生五人為陪審官。選定後。威金生對堂伸辨如左云。凡定案汝輩分內所應作之事。及汝輩誠心應允之事。是何事耶。是照各人所供情節。定一確實斷語。所謂口供。即此時欲供與公堂之語。我明知各官無有不聞此案事情者。并我知有幾位將上次所供情形。均經留意者。但我欲求汝。亦是為公平道理起見。亦是為現在監禁之人起見。亦為國家起見。故欲請汝輩將前所聞。及看新聞紙之成見。全置之。旁。請諸公敬慎將事。無論如何斷。必須照現即欲供之情節。勘決。不可將所聞所見之意。攙和入內。此案與別案同。凡定案。必須將推求而得之口供。以定所控之實否。我有確實之供。告汝輩。可定此事之情節。即請汝輩就此情節。以定主意。汝輩定主意之時。須知道此等確實之口供。果足證實的確之情節否。此一層我思汝輩必無異論。此時我應將確供申告。可將死時之情形。及在屍身覓出之砒霜。及各種情形。

我欲汝輩定死者爲服砒毒死者。我尙有直證之口供可證。此砒卽現在監禁之人所下者。惟未得親見下毒之證人。然我國律法。不必有人親見毒死。卽可定罪。倘毒人者。果不避人。則毒死人之罪。竟可不辨矣。又我有一直證。可證出現在留禁之人。曾買砒霜。而其買時。未將用處說出。又有直證之口供可證。彼實有機會可以下毒。又有直證口供。可得彼之行止。及別種情節。可證明所控此等情節。我請諸位從此可定此事。竟是監禁之人所下之毒。凡定斷語。是汝等分內之事。因此定斷。才是合式。如此事果實在。則汝輩亦不能不如此定。至謂此事是實在與否。則須汝輩自定。又所有供出各情。總須汝輩細思。至於所證情節。照汝輩意見。此監禁之人。是否無罪。倘汝輩以所證確有罪。則此事雖可憐。汝輩亦不能不定爲有罪。倘有疑心。此疑心又非無故之疑心。是確有憑據之疑心。則此人應受疑心之利益。再所有口供。我欲分別言之。有尋常見證。所供情節可證。此事是確實者。此是一種。另有一種。精於醫理。精於化學專門者。并不止一人。此種見證。大半可供出情節。或因親眼見而定者。或因從他見證所供情節而定者。至親見之供。無可疑議。卽有之。亦須汝等自定。汝等定時。務須通算各人口供。然後可定。我今先將所有證實各情節。畧述如下。內有許多情節。我想汝輩已知。然汝輩所定斷語。須照下文所說此女人於一千八百

八十九年。嫁於喀律。喀律於時赴南洋。辦國家公事。一千八百九十年。因有病辭職。到橫濱。卽派爲橫濱總會書記。直至死時方止。伊到橫濱後。生一男一女。此二孩詳後供內。本年五月。有就可白。由喀律在英國之友。爲之選延來橫濱。爲其子之師。又喀律妻弟泡處。前時亦到橫濱。與其姊及姊丈同住。上月時。伊家中上人約只此數人。其僕一爲雜種女人。是喀律使女。又一是日本使女。又中國僕人。一日本廚子。一日本雜役。卽小馬夫自從喀律到橫濱之後。他家所請之醫生。名灰勒。直診至十月二十二日。喀律死時。灰勒向視喀律爲壯健之人。惟有時多喫酒。但亦偶然耳。有時發肝氣病。灰勒卽爲醫治。一千八百九十三年。喀律又得腎病。請夢洛看後。又請排爾疵看。排爲開一方。內用排拉都納及毛飛藥水。隨時添用。此病喀律並未向灰勒說。灰勒亦不知伊曾服此藥。

未完

路透電音

諾白爾乃首創達乃麥炸藥者也。將其所有資財甚鉅。幾盡捐作各國公款。以供獎勵考究格致之用。西正月初二日。○阿米利亞擄俘之在土京者。業經釋放。西正月初八日。○昨晨接路透電。稱日本皇太后薨。西正月十二日。○英美兩國所延公正人調處條約。已簽字。英國派偵探白甯城。在西非洲之師。內有總領事。名斐立伯者。又少佐大尉及官醫各一人。

領事隨員及平民各二人。又本地信差數名。被該城土民戕害。西正月十三日○駐印總理大臣漢密爾登。移咨倫敦勞特美遊。見第冊實力公文。稱印度被災之區甚廣。並估計此役。印度國庫。須虧四兆至六兆鎊。○新舉美國總領麥荊來。定意授休門以總理大臣之職。西正月十四日○本月十四日。白拉司地方來電。謂大尉卜易來公。即前電被害之大尉及邑宰勞克。已出險。二員受傷後。流落小樹林內。六日。現在傷勢就愈。其餘各人。恐難保全。○英國派征白甯之師。計由駐該處之兵船中。挑選五百人。又好薩人三百名。歸白魯司漢密登統帶。須候一日。兵官到後。方能前進。西正月十六日○英國西塞司及福脫二快船。現在地中海之錨爾塔島駐防。亦奉飭立即駛赴非洲沿海西疆。○奧國外務大臣閣洛周赤基伯爵。赴伯靈。德國接待之禮甚隆。伯爵此行。為緊要政事起見。可無疑義。西正月十八日○俄皇前在日本。被日人行刺。致頭殼脆骨上患一瘤。恐愈延蔓。因召勃格曼掌教。用刀割開。此病前在日本。被日人行刺而得者也。俄皇患是症後。加以政事勤勞。因致頭眩。西正月十九日○議院已開。君主宣諭之詞。大旨言土國殺戮。又派征唐閣拉之師。及與美國所立公正人調處之條約各事。所有擬辦理事。及整頓陸軍防務各草單。亦已報竣。○水手二百名。奉飭前赴白甯。駐嵌伯提督坐船。已駛往白甯。西正月二十日

東文報譯

中國邊事論 續第十六冊

日本古城貞吉譯

譯東邦學會錄

吉林府在滿洲中部。大道可通四方。東至於海。南直達中國本部。其要路有三條。一自吉林南出。經奉天府。新民廳錦州府。及山海關至北京。又有奉天府分歧。經遼陽至營口。南下達旅順。又有山路。自遼陽通鳳凰城。吉林奉天兩府之間。有二間道。一可以至法庫門。一可以至呼蘭。城濱呼蘭河會入松花江處。在三姓伯都訥兩城之間。此等諸道。蓋為連結中國與朝鮮一帶之路也。二自吉林府向我俄。亦有數條路。經額莫赫索羅站。在甯古珠魯多。及甯古塔。達我尼潤里斯喀雅者。屬東海濱省。其一也。經三姓城達興凱湖。圖利羅格者。在興凱湖西。其二也。依松花江達米海羅斜滅羅甫斯喀雅。在松江北岸。今屬阿穆爾省。其三也。自吉林東走。直至我俄國。道路最近。若取道於此。則自中國本部至我俄國。約千五百俄里。自吉林則四百五十俄里耳。比年以來。中國政府。有見及此。極力開拓。又能闢地。通道於是。軍事樞紐。如三姓城甯古塔瑋春等。聯絡相貫。指呼可通。三自吉林經齊齊哈爾。而通我國。自齊齊哈爾分岐為二。一經墨爾根城。及愛瑋城。至我布拉郭威什臣斯克。即海蘭泡。在結雅河與黑龍江會流處。之西。今屬阿穆爾省。與我愛瑋城隔江相望。一經呼倫貝爾城。至奮託羅海。自齊齊哈爾至愛瑋。一帶道路。風

土形勢極佳。可運行輜車。自北京至布拉郭威什臣斯克。為二千五百俄里。由吉林而至。為一千俄里。上所記諸道。並為國道。平坦廣闊。可通貨車。若至岐路。則有難焉。東方各道。動輒有泥澤之患。如靈雨之候。絕無人馬通行。然在冬期。則道路凍結。諸路皆車馬絡繹。有繁庶之狀。當冬令之期。則每數里設立客舍。以便行旅。按滿洲道路形勢自然。易使人生侵掠之念。則此地之所關於軍事。最不可輕視也。況與我接壤。固當留意焉。此地古來部屬相爭。又屢使中廷感懷邊治之難。故常為中廷之患者。滿人也。又使中廷迭奏偉功。亦為滿人也。何為滿人。曰。八旗營兵是也。是故八旗營兵之士氣。每與中廷盛衰相為表裏。然現時聯絡不得其宜。訓練亦不合。至戰爭之術。則其所最拙也。於是中廷猛省。近二十年來。務加振作。欲革新其兵制。今核算兵員。古式八旗營兵。為三萬六千八百七十五人。新式營兵。為一萬八千八百五十一人。駐屯境上兵。為八千三百二十五人。合計六萬三千九百五十一人。所謂古式八旗營兵者。古來為滿洲鎮撫之兵也。故洲中要鎮重城。必駐屯此兵。餘外又有邊疆防備之兵。駐屯俄韓邊境上。於三姓城接近二千五百人。於甯古塔接近二千七十五人。於琿春二千五百人。於鳳凰城二千五百人。合計九千五百七十五人。近時滿洲各省首府。必配置練習野戰兵。各府一樣。步隊八營。一營五百人。馬隊二協。一協二百五十人。

人備砲二十門。步隊用毛瑟鎗。馬隊用檳查斯的兒式鎗。此兵數實一萬三千五百人。中國政府近年改革兵制。每歲以現役兵之半。為豫備兵。謀於有事之日。得大兵之策矣。且每月給銀一兩於豫備兵。一年兩次。點檢演習觀兵。其意欲於滿洲三省得豫備兵六萬人也。尚有八旗營豫備兵。在奉天省所管七萬人。吉林省所管七萬人。黑龍江省所管三萬人。故滿洲全軍。實多至二十三萬三千九百五十一人也。中廷何故在滿洲接我俄境之地。琿春及其他要地。築堅寨。固壁壘。裝備克式巨砲。頻嚴防備。余未解其何意也。雖然。彼華人於戰畧戰術。未能擅長。又不熟攻守城寨之技。雖未足以為深憂。而其意亦可畧推耳。如彼吉林。不獨為堅堡固城。又謀於此地。建設兵器彈藥製造所。近聘將校於德國。以實行此要圖矣。既於吉林設立兵器廠。以推擴其規模。蓋欲供有事之用也。如彼築構三姓甯古塔琿春等三城。以為之前哨。是豈非向我烏蘇里境邊。排列防禦而何也。又中國惡我嘗欲溯松花江開貿易之端。其意在以松花江為己有。而一旦有事之日。欲據以大收戰利。故中國營投礙物於三姓城下江中。以梗塞舟楫之便。至若中國所真注意者。全在那邊。是不須細述而知之焉。雖然。中國固為龐大至古之邦矣。意者自警崛起。以危害人國。決其不能為也。惟歐洲使節。冥冥之中。常資顧問。頻說軍備之要。以攪亂其腦氣筋。中國

於此遂欲行自家政策也。秉鈞之人豈其目無隣國哉。爲我俄人者。處於此間。當警醒一番矣。噫。豈可不覺悟哉。

論丁口稅

譯東京經濟雜誌 西十二月五

問何謂丁口稅。曰抽稅於人也。蓋昔時遺法。而今日能行者甚尠。當太古之時。生民未有賞財可貴者。抽稅之法。自非抽於人。未見其簡且易也。我邦之行此法。蓋在距今千有餘年前。按大寶令云。正丁謂丁年歲役十日。次丁謂十七歲以上歲役五日。不能服歲役者。出布帛及他物代償。稱之曰庸。是我邦古代丁口稅也。其後雖廢止。亦未必無類此稅法者。如現今所行。市町村制中。夫役之法。蓋亦似此也。夫丁口稅者。本以丁口爲準。一切平等。抽課於各人。夫人民貧富懸殊。則其爲不公平也。無論已。故該稅法所以見排斥於文明之世。而抽課之法亦漸變也。是故俄國則內閣先定數目。而命之於各州縣。各州縣按人民貲產。與其所得。以爲比例而抽稅也。然如此則與其謂之丁口稅。無甯稱貲財稅。或所得稅更爲切當也。況如此稅法。則收稅官吏據其臆斷。恣徵收於人民。其弊不堪言也。又準人民所得之等差。而賦課於人人。是曰等差丁口稅。或階級丁口稅。行此稅法者。普魯士及美國。是蓋混丁口稅與所得稅以爲一者也。何則。準人民所得而立等差。不復論相同等級。所得多寡之異。是有丁

口稅之觀也。然官吏以臆斷推測。定人民所得之等差。於各等差異其稅率。是有所得稅之觀也。若減少其等差乎。則純抽丁口稅矣。若增多其等差乎。則徒增所得稅矣。考美國麻沙秋撒等洲。抽丁口稅二元。於有參政權者。又法意等國。亦嘗行大同小異之稅法。唯有繁簡輕重之差耳。法國理財學家。母流氏論丁口稅曰。雖世人往往有非毀丁口稅。而若不應重課者。然未必爲不正之稅法也。於抽稅之意。未見有間然也。又云。世人謂凡參政之權。必當納丁口稅。蓋此意亦未必爲非也。意法國雖有數種之間稅。而國民均擔負國家之費貲。而使國民有參政權者。悉納直稅。當國家一旦多事之日。而增抽之。未必不可也。抑納稅爲被治者謂平民之義務。雖抽丁口稅。亦有一理。而方今人民貧富漸無等差。恐不如其所期也。我國本以地租及其他直稅爲參政資格。故未見有抽丁口稅之要。究之丁口稅爲太古未開時代之遺法。在現時既屬陳腐。洵不可行之於今日也。

論地稅

譯東京經濟雜誌 西十二月十九

何曰地稅。曰抽課於土地者。卽我邦現時所稱地租是也。地租之創始。在土地歸民人所有之後。而土地歸民人所有。在何時代。雖未得詳知。據比利時國。富國學者獨拉烏立氏有言曰。土地全爲民人所有。不在太古之時。而在家屋器具獸畜等爲民

人所有之後也。又據法國富國學家薄利賢氏說。土地爲民人私有之資產。蓋與商工業各種股分證單等之起。必屬古制。要之土地歸民人私有。雖不出於太古。其制亦頗古也。然我邦行此制。在近十數年以來。明治五年二月十五日。太政官發令曰。自今以土地爲民人之有。且許賣買。於是土地始歸民人所有。我邦民人古來未有此權。惟有耕作土地之權而已。故有賣買耕作權。而未有賣買土地權。其有此者。始於明治五年之令也。故往時有耕作權而已。則唯出借地耕作之費。其法非政府與耕作人合同定約。政府專發令而定之也。抑地稅也者。各國所同採行。而我邦最資稅源於此。其爲抽稅之正理。固無容論。唯測民人負擔所能堪。又考抽課法之得失。以論其稅率之當否。則爲妥善也。今夫按地抽課稅法。近時文明之進步。與農業之發達。漸有變遷。試觀古往今來之變遷。第一不論收穫多寡。唯按土地面積。抽課同率之稅。此法推行。蓋屬古制。如現今殖民新起之地。往往見行此制。蓋在往古。人民稀少。土地有餘。耕耘之地。質最肥沃。若不肥沃。又或有運搬之利便。故以面積律之。抽畫一之稅。未嘗不公平。況其法之簡易。最便於新興之地也。然一旦土地歸民人所有。而農業大進步。武則視土地之肥瘠。資本之多寡。耕耘之巧拙。如何。以爲收穫等差。至此時猶欲以一律稅法概之。則其不公平亦甚矣。若猶欲用此法。自非極輕

稅率。則民人豈堪其賦歛哉。第二區別土地品位爲數等。抽課異率之稅。稍爲改善之法。蓋此法按土地肥瘠。運輸之便否。耕耘之難易。立之等。以異其稅。如我邦往時所謂地丁徵收法。及日耳曼聯邦中之尾古蘭堡。所嘗行地稅法是也。雖此法稍良。仍未盡善。何則。區別土地品位。而立之等差。未免臆度。且社會有進步。土地有變遷。而每改其率。實爲頗難。第三不問土地廣狹。地質肥瘠。唯按農具之數。使用牛馬之數。及樹木之數等。抽收課稅。此法之不完善。可無論已。何者。今日農家收穫之差。洵以土地肥瘠。資本多寡。耕耘巧拙而別焉。然如農具之數。牛馬之數。樹木之數等。未足推測土地所生之利。況如農具。牛馬。樹木等。常有增減移動也。第四徵抽所收穫於土地十分之一。此法於每年前收穫之時。官吏巡閱各地。以豫測其收穫之數。徵其十分之一。所謂十分一稅法者是也。然時或誤徵。更多於此數。我邦往昔所行毛見法。日本抽稅法名目有類於此。歐洲亦嘗有行此法之國。如土耳其。實行此法。以至近年。雖此法優於前所記諸法。固無論已。然流弊亦多。未可以實行也。何則。若行此法。年之豐凶。不能異其稅目。故政府歲計。頗覺不便。是其一弊也。又在一國之內。收穫多同其期。故無數官吏。出閱各地農圃。則最易失期。且於各地檢閱農圃。亦必不能無所寬嚴。則政府糜費之路。由是而開。是其二弊也。又收穫多寡。不獨由土地之肥瘠。

而貨本多寡。耕耘巧拙等。亦與有力焉。然唯抽稅收穫十分之一。則挾巨貨以從事。耕耘者。不得不多出稅。否則出稅者寡。農事之更改美善。不可得而望。是其二弊也。第五按數年間。賣買土地約價。以抽課稅。是為我邦現時地租法。蓋地價者。為抽地稅。故以法定者也。第六按數年間。土地所產之數。而抽一律之稅。除肥料之外。欲收獲穀物。故銷費人工勞力一切之貨也。此乃歐洲諸國所現行之法。薄利賢以前記第五第六等。為地稅中之完美者矣。

英增擴陸軍議

譯東京日日報西十二月初二

英國擬於明年增擴陸軍。而議論紛爭。蓋英國於前數年間。增擴版圖二百萬方英里。而陸軍依然如舊。無復增擴。現時屬地廣一千一百三十萬四千三百九十一方英里。人口三億八千二百六十一萬二千四百四十八人。而常備軍二十二萬人。及義勇兵二十六萬人耳。比歐洲諸大國之兵數。非可同日語也。試以比俄國。俄國廣八百六十四萬四千方里。人口一億二千九百五十四萬五千人。而在平時有兵九十七萬三千人。在戰時可得二百五十五萬人。法國平時有六十二萬七千二百二十六人。而於戰時則可得兵四百二十五萬人。德國平時有四十七萬九千二百二十九人。而於戰時可得兵三百萬人。意國亦於平時有兵五十八萬八千三百八十四人。蓋英本係海軍之國。故以陸軍為次。於是乎視陸軍與在邊疆捕吏同矣。及版圖漸廣。為諸外國所嫉視。自前一二二年以來。在亞非利加。亞美利加。構事端於外國。不一而足。於是陸兵不敷。英國政府。以為繫念。遂至有此舉也。意英人軀幹偉大。若善定徵兵之制。加之以規律訓練。何國軍兵能禦敵之。要之。比年以來。外國所以輕侮英者。未嘗不由其陸軍之不强大也。橫濱英字報所記如此。

俄築鐵路

譯大阪朝日報西十二月初六

俄國將敷設鐵路。自俄屬土耳其斯坦。米兒務。至苦酒克。苦酒克在苦酒克河。與木兒伽務河會流之處。蓋鐵路直抵亞富汗國境。木兒伽務河上。麻兒查克邑也。麻兒查克為交易繁盛之地。自此地至亞富汗西部京都海拉得。僅百五十英里耳。或遂敷設至該都。亦未可知焉。要之。俄國將伸猿臂於亞富汗也。昭昭明矣。

論法俄同盟

譯時事報西十二月初六

歐洲盛名之政治家某君。寄書於德國新報。論法俄同盟之前程。曰。此同盟也。二國本異其宗教。異其政體。而訂約者矣。法所以能從俄命者。欲復讐於德。一旦俄若援法。得遂其宿志。則法必棄盟而去。俄固知之。豈故為貸助一臂於法。以遂其志哉。現今俄國之地位。足以牽制二國之利害。俄利用此智。希冀不使法人如志。而有益於

其間也。

法俄專約可疑

譯國民報

法俄專約者。果訂結於兩國間乎。頗覺可疑焉。法國外務大臣亞諾多氏。雖似謂有於兩國間。協定訂約。而不復言其他也。先是哥魯紐捷報曰。法俄訂成文專約。然歐洲各報。猶多未信。如彼漢堡立報。為裨斯麥克公耳。極言其無確據。其論曰。如是之說。實為必無之事也。何則。法國以俄為倚賴焉。則俄必不訂成文專約。何故。自出危道。使法易得其所欲也。抑條約也者。兩國必有所欲相得利益。而後始訂約也。然觀法俄之情形。未見其有所因也。俄本知法之現情。法國若開事端於我。則於未發一彈丸之前。法也自為土崩瓦解耳。俄國洞見夫此。亦何苦而故出就危途。以致異日煩累於萬一哉。況俄國已於法之財務政治及陸軍。有足能操縱之者也。

英報評俄皇抵法

譯國民報

近刊倫敦泰晤士報云。俄皇之抵英京也。函簿極質素。英國亦準其意。而不敢以奢華款接。蓋敬禮之要。以副賓客之意為第一義。故我英國迎俄皇來。實非薄待之。而為厚之至也。臨其去也。送之以天下之強海軍艦隊。是我英人所以為快也。如彼法國。窮奢極侈。歡迎俄皇。蓋本出於外交政策。然欲以如此政策。結二國之親交。維持天下之和局。不亦難乎。

美總統致國會書

譯時事報 西十二月廿五

美國總統苦列務蘭士氏。與教書於國會。畧曰。去月有選舉總統之事。主金黨能制其勝利。最為可賀。是蓋由美人能顧國家之利害。而不為一時甘言所惑。則其觀政治之志。非復往日可比。洵屬一進境也。又如彼亞耳米尼虐殺之事。雖美人未被其危害。苟土耳其情形。日後依然猶作今日之觀。則我美豈得袖手傍觀。而佯為不知哉。必其出於斷之一字乎。又古巴之事。每日義民聲勢甚猛。西班牙政府。未能征服。且西班牙在古巴官吏。間殺我美人財貨。為此之故。蒙其損害。實有四五十萬元之多。雖或有流言。謂美國宜認許叛徒。以交戰權。又謂宜購得彼島。以施我政。是實為謬說耳。我國豈無故而構事端於友邦哉。

分割土耳其議

譯東京經濟雜誌 西十二月廿六

倫敦來電云。近時俄皇至奧都。蓋議分割土耳其也。苟當是之時。以君士但丁為自由貿易港。則俄國管有小亞細亞。英國管有埃及。嗚呼。土國之命。危在旦夕。似風前之燈矣。

論社會 續第十七冊

譯大阪朝日報 西十二月初十

我日本國運雖未必無可憂慮。而農工商業有逐日益盛之觀。且外國貿易尤有增多焉。證諸事實。必無有誤繆也。近時又有增擴軍備議。且略就實行之緒。於是外國猜疑揣摩。謂日本包藏禍心。將行吞噬之策。西班牙和蘭等諸國。有屬土與臺灣接隣。惶恐倉皇。相爲警戒。然則日本國勢之隆。日本不自知。而外人知之。殆在意料之外。吾人本惡浮華誇大之陋習。聞外人稱讚。而沾沾自喜。是庸人之事耳。然亦見世論。或爲膨脹。或爲少壯。以相比喻。未必無理也。要之我日本。似方進興國之隆運者矣。若其不然。亦必當轉而向隆運也。爲之道如何。亦曰。變化云爾。或曰。憲法既立。而國家之形體大備。豈容復變化乎。曰。不然。雖有憲法。憲法之下。猶涉日逾月。始有變化於政局。而以社會之變化。比政局變化之快疾。則有霄壤之別。東京客歲之政局。非復去年之觀。而其社會則依然也。推之於大阪。亦依然也。推之於日本全國。亦依然猶留舊時之面目。豈變化之未至乎。抑由於何理乎。

濠鏡製砲

譯大阪朝日報西十二月初五

澳門知事某。嘗受葡國政府命。請日本砲兵工廠。製砲二門。日前方成。將實行試驗。而後輸送該知事。查砲形略同日本砲隊所用。七珊知米突山砲。惟砲架稍異耳。葡國政府。又請製山砲八門云。

譯紐約講學報人工與機器論

青浦朱開第來稿

以機器爲人工之仇敵。自昔然矣。迄今製造日新。而襲是論者踵相接。出一新法。可以裁省人工若干。姑置不問。而必懸爲之禁。曰。一廠興。眾工廢。當紡織輪車。收火縫紉排印諸機器。初出之時。無不執是說以相阻撓。彼其自命爲先幾。妄矣。而或罪以造言。亦苛也。直一無真識者耳。知利賴之偏者。而忘其普者耳。故織機一而可兼數工。工必怨曰。是奪我織工之業也。不知布價廉。而用者廣。用廣則需工奚翅十倍。初史退分生軌鐵路。駕火車。便行旅。利輓運。而向之恃車馬旅館以爲生者。譁然曰。是奪我口中之食也。無幾而食於鐵道者。國中人以百萬數。轉運速。則製造益多。而暗中所增工業。又十百於此。僉知愛利。亞豪其縫紉器與縫工較。一以當五。而昧於綜覈者。又鯁鯁然慮千萬縫工之失業。而今不且多於無縫器之時乎。是皆信而可徵。有冊籍可稽者也。大抵新法機器。其製物也。縱以速且多。而價愈廉。至奪一人一業之工。而所增者恆五十倍。近今街談巷議。見國中貿易之衰。失業之衆。羣歸咎於機器之奪人工。信乎否乎。我紐約國人。當愚不至此。吾不敢與當世爭。公是公非。但不忍坐聽機器被誣。機士見阻。則吾講學會。不得不辭而闢之。以期有利於國人。頃者某當道復以機器奪人工之說。宣言於衆。殆欲使衆無知者。如昔日之毀維忒南紗廠。至毀其半乎。機器原所以代人工。代之適以廢之。不廢亦無爲貴。機器

矣。然而廢者一而用者十。他業之緣是以興者且百焉。且同一備也。而備於機器者。值多倍。而備於人力者。值少倍。因之男女百工。富於曩日者倍。而衣食起居。侈於曩日者亦倍。非不知自有機器。而物產價值。異於古昔。每行一新法。而百工之操作。頓變其故常。有如某邑街車。舍馬之用。而用電。於是善誣機器者。抵牾而言曰。曩之爲馬蹄鐵者。釋其手中錘。滅其鑪中火。而嗟咨改業者。且二百有九人。此二百有九人者。誠爲可憫。而彼發電力。御電氣。與夫造作繕緝之人。多於失業者數十倍。而美利亦數十倍。獨非猶是工人也乎。故增一新法。即增一豐美之生涯。其爲羣工之母也。必矣。而又舉國之人。皆便利之。此獨不可喜乎。使無新法。抑何以躋吾國於文明。而臻工商之盛業。第使無火車之絡繹。彼執力役者。將何由朝出暮歸。散處於近郭之居。高墜之墄。以享其有生之樂。近今五十年。服用之華。閱報之易。幾於人手一報。而知識日開。此獨非隱受新法之福者乎。就令新法有害。害於一人一業一時一處而已矣。其徧普永久之美利。亦大足以相償云。前十年商務之盛已極。至前四年而商務漸衰。至今已極。其源甚深。非可以羣常之法補救之。必如吾黨所見到者。乃可暢行。暢行於將來。可於既往操之券也。如第歸罪於新法之增添。吾得預爲之判曰。以今日機器創新之盛。煊赫於合衆國之史冊者。往日不受其誣。他日亦不受其誣也。

時務報館文編

俄人國勢酷類強秦論

瑤林館主來稿

天道善變者也。地道不變者也。人道應變者也。乃有地隔數萬里。時閱數千年。人分數十種。而運會所值。形勢所成。一東一西。若合符節者何哉。豈天道亦窮於變乎。蓋始而終。終而復始者。天運也。盛而衰。衰而復盛者。地運也。合而分。分而復合者。國運也。然則天地人也。亦運而已矣。中國之與歐洲各國交涉也。自俄羅斯始。而先有南懷仁利瑪竇等。挾儀器東來。以天算見重中國。道光之季。五口通商。各國出利礮堅船。以兵威相脅。當日之智士。卽知泰西各國。不足爲患。爲害中國者。獨俄羅斯。至以俄比戰國之秦。中外明哲。無異辭者。通商六十年來。與中國爲難者。英法日本而已。德美俄奧無聞焉。幾疑昔日之言不驗矣。然英法爲難者。因越緬壤土毘連也。日本則同洲鄰敵之國也。德美奧義無相連之屬地。自商務教案外。他無所爭。惟俄人接壤比鄰。自黑龍江以迄西藏。長至三萬餘里。而敦槃玉帛。從未以細故失和。豈俄人之情敦信義篤。邦交果異於歐洲諸國哉。黑海之戰。英法諸國。助土攻俄。後乃限禁俄船。不許出君士但丁海峽。銳氣既挫。蓄養需時。西顧方勞。東封遂緩。猶之五國擯秦之舉。秦兵不敢出函谷關者十五年也。此其類秦者一也。西向不得志。始決計改道。而東然中亞細亞諸部落。皆土耳其之屬國。勁悍好鬥。騎隊

尤所擅長。後顧增憂。豈遑遠畧。土倚英援。不能滅土。惟有漸翦其羽翼。以自固其藩籬。得寸則俄之寸也。得尺則俄之尺也。得其地不足以富。得其人則足以強。此俄所以西扼波斯。南侵阿富汗。東抵中國新疆。盡收敖畢基發諸回部。以掃除東道。猶之秦人閉關謝客。滅國五十。遂霸西戎。且取蜀以爲外府也。此其類秦者二也。秦併六國之時。大勢旣成。滅國奪地。惟利是視。無理可言。故各國斥以虎狼。詈以無道。而當其始。固卑禮厚幣。甘言以事人者也。以東帝奉齊。以兄弟約楚。交歡趙魏。結好韓燕。俄人歐亞聯交。措詞各極其微妙。使歐亞各國之君相。陰入彀中。此其類秦者三也。秦地北鄰胡貉。西界戎羌。南連庸蜀。皆有沙漠山谷之阻。東面以爭中原。如虎負嵎。莫敢撓其鋒者。俄地背負北海。雄據兩洲。南向以臨天下。攻人則易。人之攻之也則難。此其類秦者四也。秦自孝公以來。繼體之君。皆陰狠沈鷲。祖孫父子。一德一心。休兵息民。坐致強大。不與山東諸國爭王爭霸。以自竭其力。自弊其財。俄自大彼得至今。家法相傳。堅忍如一。兼弱攻昧。取亂侮亡。見利則趨。見害則避。外如遲緩。內實堅完。此其類秦者五也。秦民好武。小戎駟鐵。女子知兵。怯於私鬥。而勇於公戰。俄人地處極北。本古時用武之區。舉國皆兵。盡人樂戰。此其類秦者六也。戰國時。天下諸侯。奢靡相尚。子女王帛。士氣久衰。惟秦僻處西陲。舉國惟知耕戰。俄人無多。商務國饒米麥。販運歐洲。有事之時。不必仰求於外。此其類秦者七也。秦自商君著令。表

章信義。法制嚴明。俄王彼得。游歷歐洲。仿行新法。齊整畫一。無復拘攣。雖國人意氣飛揚。亦有私黨。而奉公守法。上下無二心。此其類秦者八也。韓最近秦。爲各國之屏蔽。韓不滅。不能窺中原。韓旣滅。卽各國俱非秦敵矣。今亞洲之高麗。歐洲之土耳其。卽東西兩韓也。此其類秦者九也。秦所畏者。各國之合從耳。使各國不相猜忌。合力保韓。秦人雖強。安能越境而攻他國。乃各國棄韓不保。轉以獻媚於秦。自因小嫌。互相攻擊。致韓地盡爲秦割。六國先後滅亡。夫英法助土。保大局也。今日日本貪目前之利。不知聯中以保高。已縱令俄人虎兕出柙矣。法人結俄以仇英德。猶秦欲滅魏。先與趙和。秦將破燕。先止齊援。而齊趙信之。唇亡齒寒。行將自及矣。此其類秦者十也。夫俄之與秦。遙遙曠世。而君臣上下。定謀設策。其相類至於如此。豈戰國一書。亦如雞林賈人。流傳海外哉。非也。地勢使然。而人事不得不然。卽天運亦若有不期然。而然者。而幸也。機兆雖萌。禍端尚伏。泰西各國君相。不乏雄才大畧之人。使均如當日助土拒俄。同心禦侮。則東海西海。自當永保太平耳。無如法蹶普興。全局一變。奧義聯合。尚可支持。然大勢已將岌岌矣。自中敗於日。高麗附俄。英人袖手旁觀。甘讓俄人已先著。大東洋情勢。危險異常。遂與當日六國棄韓。如出一轍。夫前事之不忘。後事之師也。前車之已覆。後車之鑒也。歐洲各國。前無所師。其不知鑒焉。宜矣。獨怪中國通人智士。知哀六國。而不知情事之相同。知畏強秦。而轉引虎狼以自衛。甚

矣哉其愚不可及也彼日本者亦當日同文之國也國策一書豈其未見而甘爲戎首招彼強鄰衽席未安屏藩已失正恐他日禍機所發患氣所乘與中國只有後先並無彼此沈迷不反覆轍相尋今與古如一邱之貉耳嗚呼豈非天哉

貴私貴虛論

瑤林館主來稿

呂氏春秋曰老子貴柔孔子貴公墨子貴兼莊子貴齊列子貴虛商子貴私嗟乎私與虛也何可貴之有而居然指此爲教人之圭臬乎然中國自秦漢以還二千年來心法相傳實坐二者之病以至今日陵夷破裂受侮外人也請言貴私之病天生民而立之君使司牧之君者羣也所以公天下也後世人君有天下則私天下有一國則私一國爲之官吏者有一省則私一省有一郡則私一郡有一邑則私一邑一若上天私授福命應爲人君小民之性命身家皆其私產使聚斂之魚肉之驅策之而民不敢有私怨者此犯上作亂之事所以閱數十年百年而輒一見也其賢者自矜安靜催科折獄以無事爲能至於教養之存安之富庶之古人所爲視民之事如己之事者彼以爲小民之私事也我而強干預之此何爲者且我之私計在積財帛以遺子孫日日經營刻無暇晷而兼顧他人之私以誤己之私非天下之至愚孰肯出此其或水旱疾疫死喪纍纍直等之草木榮枯自生自滅已耳自餘治一職則私一職任一事則私一事管一局則私一局各懷意見各分畛

域各恃才能美其名曰因公爲公急公而實各有一牢不可破之私意結私黨用私人積私財置私產皆假公以濟其私天下皆私也忽有一不私者出焉則羣相駭愕疑之畏之忌之惡之誣之謗之排之擊之其黠者亟翻然舍己而從之其愚者則困苦顛連而死耳哀哉天下皆私豈容一人而獨公哉彼民之從上也如形附景如響應聲亦遂各私其心各私其財各私其力父子不相見兄弟不相親妻子不相合朋友不相信强者併弱智者併愚富者併貧惡者併善上之視下也如犬馬下之視上也如路人上之視下也如土芥下之視上也如寇讎寢至盈天下四萬萬人各懷其私各行其私各是其私而中國四萬萬私人遂成四萬萬私國任聽他人欺凌狎侮鞭笞捶扑而俯首帖耳無可如何矣皆在上者貴私之一念誤之也皆商君貴私之一言成之也豈及身車裂遂足以蔽其辜乎請言貴虛之弊黃老之學空談元理以虛無爲旨以清淨爲宗其言曰人之大患爲我有身我如無身更有何患身且不有何有於身外之物寢至蔑聖棄智剖斗折衡晉人清談風流放誕天下皆高人劉越石以勁騎蹂之而中原文獻盡矣此老氏貴虛之弊禍極於六朝也梁武舍身同泰佛氏承之刹宇樓臺徧於南北隋唐以後其欲益張使天下之財罄於布施建寺天下之力盡於膜拜啐經厥後藩鎮相尋踵以夷狄殺戮死亡之慘百人中僅活一人此佛氏貴虛之弊豐鍾於五季也之二氏者皆引天下人心於幽昧虛渺昏蒙之域

而敲牙截角。翦翼絆蹄。以待虎狼之吞噬。君相之貴私者。喜其易制。不能為我患也。因而用之。於是乎萬事皆虛。舍身則實矣。既不能自保其生。即無由自脫於死矣。哀哉。天道好生。而二氏之教。乃務閉錮拘繫而死之。是誠何心哉。自宋以後。理學昌明。然說性談心。仍落二氏之窠臼。於古聖王之大經大法。所為保民而養民者。毫不能攷其究竟。定厥指歸。而日斷斷於王霸之分。斥智勇功名而不用。其託體愈尊。其惑世愈甚。其大弊仍失於虛。夫虛者弱之根也。遼金之後。踵以元兵。一統中原。宋社遂屋。貴虛之有益無益。足以保民與否。守國與否。其效可觀矣。遷流至於今日。人心陷溺。難可挽回。天下皆虛也。即天下不知有實也。其在上則封爵虛。官職虛。俸祿虛。科目虛。文試之時。文試帖虛也。武試之弓箭刀石虛也。當官之文移奏報虛也。示民之條教號令虛也。其在下則風俗虛也。章服虛也。婚喪禮制虛也。星命卜相虛也。各種紛華奢侈無名之費用虛也。乃至各種學問。各種教化。幾幾乎無一不虛。於古人保民養民之大經大法。實足以贊天地之化育者。蓋漸滅淨盡。百無一存焉者矣。嗟乎。中國地大物博。人稠而君民上下。以虛相蒙。以私相遁。至於此極。而忽有他人焉。以甚公之政治法律。出而臨之。以甚實之精兵利械。入而摧之。危乎危乎。拉朽摧枯。安有全理。雖然。天下事盈虛消息。剝復相尋。無平不陂。無往不復。陽極則陰生。陰極則陽生。此天地始終之公理也。私之極矣。將成大公。虛之極矣。將歸至實。欲大有為者。曷亦返其本矣。

下期續印

中西文合璧表凡已見前期表內者不再列入

| | | | |
|--------|----------------|--------|----------------|
| 圖鈞黎司 | Hercules | 勃拉登 | Brighton |
| 奧基恩 | Argentan | 莫為武 | Mowat |
| 右亞斯希圖司 | Eurysthen | 威金生 | Wilkinson |
| 歐鐵許 | Irish | 滑震 | Watson |
| 屋皮 | Obi | 夕洪生 | Johnson |
| 崔黎愛平赫 | Cheliabinsk | 抹克來倫 | Maclaren |
| 愛開德林勃 | Ekaternburg | 派武生 | Patterson |
| 鮑勞那那 | Bolotna | 待味生 | Davison |
| 潤拉斯瑞埃赫 | Krasnoiarisk | 夢洛 | Munro |
| 野依 | Yai | 排爾庇 | Baelz |
| 歐克赤克 | Irkutsk | 排拉都納 | Belladonna |
| 立河肥尼赫那 | Listvitchma | 毛飛 | Morphine |
| 白甘爾江 | Baikal basin | 諾白爾 | Nobel |
| 亞沙立 | Ussuri | 達乃麥 | Dynamite |
| 格爾夫斯容 | Grafka | 阿米尼亞 | Armenia |
| 埃曼 | Iman | 白葡 | Benin |
| 客拔洛無客 | Khabarovka | 斐立伯 | Phillips |
| 鐵太尼亞 | Titania | 勞特美遊 | Lord mayor |
| 勃雷門 | Bremen | 休門 | Sherman |
| 聖得彼得斯勃 | St. Petersburg | 白拉司 | Briars |
| 秋爾司佛恩 | Jules Verne | 卜易來 | Boisragon |
| 愛爾勃黎無司 | Albert Graves | 勞克 | Locke |
| 福託格爾飛克 | Photographic | 好薩 | Houssas |
| 卜易鐸 | Boiteux | 白魯司漢密登 | Bruce Hamilton |
| 勃恩司 | Bernstein | 西塞司 | Theseus |
| 爾辣脫曲辣伯 | Rat trap | 福脫 | Forté |
| 馬賽 | Marseilles | 鋪爾塔 | Malta |
| 福松 | Falcon | 閣洛周赫基 | Goluchowski |
| 活漏 | Waller | 勃格曼 | Bergmann |
| 密希甘 | Michigan | 嵌伯 | Cape |
| 臺曲勞 | Detroit | | |

中西文合璧表

各處派報處所

各處派報處所

京城電報局
天津開口風神廟內西學官書局
河南省城黃家胡同陳公館

陝西省城務本新報館
重慶夫子池馬宅
武昌巡道衙門內文書局
沙市七里廟巷江左漢記分局
江西九江福康輪船公司
蕪湖電報局
清江浦電報局
常熟景古閣書坊
無錫北門城內太平橋南塊王宅
杭州上佑聖觀巷汪宅
紹興水澄橋墨潤堂書坊
溫州學計館
福州南台天泉錢莊
廣州老城西關內朝天街中西報館
香港上環恒順泰
文咸街文裕堂書坊
檳榔嶼嶺南棧

又西珠市口廣富館
濟南中西大藥房
雲南省城天順祥藥號
成都南門內文廟後吳氏宗祠
夔州西門內楊宏發雜貨舖
漢口招商局上海春戒烟藥房
湖南長沙礦務總局
安慶藩署內吳韋齋
南京江蘇和錢舖
揚州江蘇和錢舖
徐州府經館
常州龍城書院
鎮江經理轉寄處鹽店巷吳寓
嘉興香花橋譚宅
諸暨縣城金大成染坊
台州黃巖縣前柯泰豐
泉州府城南門外閩海關科房
佛山舊橫街百元堂
又中環海傍鴻安棧
日本神戶聚珍書樓
大阪均同茂泰

保定電報局 蓮池書院
烟台潮州會館
貴州省城長春巷府尹第李宅
又學道街步月山房書坊
萬縣電報局
宜昌二架牌坊江左漢記分局
常德南門外乙海春戒烟藥房
廬州電報局
淮安城內高公橋劉公館
蘇州晉門內侍其巷張公館
江陰永恒義
太倉州復豫錢莊
甯波諸衙弄餘岱鹽局
嵗縣西前街寶和銀樓蔡仲甫
蘭溪電報局
建甯電報局
潮州下水門中街陳再興紙行
新加坡鴻發棧

本埠石路南懷仁里本報館

諸君欲閱本報可向上開各處購買亦可函告本館及各處掛號以便按期寄到此外各處再行續佈
本館申明章程

一定報者須從第十八期以後為始周年報費肆圓不得從十七期以前諸期起至各代派處有按月
計算收報費肆角者未免為例不一應請停止

一付拾圓者看三年付拾兩者看五年如前例惟亦須從第十八期起

一自今正始凡定報者均扣至年底為止如不足全年之數即照數扣算
如定全年者係從四月初一
廿五期起則至年底止作
三季算止收報
費三元餘做此
如此則以後可年清年款不致牽混惟定三年五年者不在此例

一自今年始凡定報者無論若干分概以四元計算不再折扣各代派處則以八折歸帳以二成為往
來寄費及派送之經費
閱報諸君務祈將報費先行付足幸勿折扣間有友人自購數十份減值
分售者此係友人廣開風氣之意在本館則仍收全值也諸君幸勿因偶有一處半送遂疑他人
溢收

一舊年之報現已訂成三巨冊待售取價二元五角若零購舊報則每期每冊取價一角八分稍與新
報區別如售罄則不能應命其新報仍依前例每冊取價一角五分

一凡雲貴山陝等新行派報之地其舊年之報仍取價二元他處未便援照此例

本館告白 本館現添延順德麥瑞博孝廉餘杭章叔茂才佐理撰述之事其外間送來之文稿現擬依次附印報後亦歸二君選擇 再自封河後官書局報久已停寄以致十二兩月之 上諭無憑登載故此暫不恭錄 諭旨俟開河後官報一到即行補登

本館告白 今歲各地已設郵政局本館逢一出報後即將各處之報概交郵政局轉寄各處代派諸君一經接到即懇從速分派以慰先親為快者之意惟本館代派諸君類係同志閱報諸君如嫌其遲緩儘可和平向商幸勿縱令僕從詈罵致傷雅道祈 公鑒之 再閱報諸君如有移居者務祈早日作函知會免致臨時無從尋覓是為至盼

本館告白 澳門知新報館本名廣時務報館現更定今名現已出報託隨本館之報奉送一次凡閱報諸君如無知新報隨附送上者即向代派本報處索取可也

本館告白 本館所代印之西學書目表讀西學書法前印二千部頃刻售罄索者紛紛尚無以應頃已再印二千部凡欲購者請即函來索取可也價三角如舊例

地圖公會告白 前托日本用銅版印之樣張現已寄到欲閱者請為函告當即寄上
本館代售書目 天文地理歌畧 白紙二角四分 竹紙一角六分 欽定滿洲源流考 八角 欽定皇輿地域圖 志 二元四角 中國亟宜改革政法論 一角五分 墨子閒話 二元二角 安徽全圖 八角 安徽輿圖表說 一元二角 以上所定價目均係實洋不折不扣

謹將丙申年五月至十二月收支實數開呈

八鑒查

收助貲銀 未仟叁佰叁拾捌圓正 清冊別具
壹仟伍佰壹拾兩正

收本館自收報貲銀貳仟捌佰捌拾貳圓玖角玖分陸釐正

收代派處經收報貲銀捌仟柒佰叁拾柒圓零貳分壹釐正 清冊續具

收錢莊存款息銀柒拾壹兩捌錢陸分壹釐正

共收銀 壹萬捌仟玖佰伍拾捌圓零壹分柒釐正
壹仟伍佰捌拾壹兩捌錢陸分壹釐正

付房租銀叁佰叁拾陸圓正 付修理 房屋銀玖拾圓零壹角貳分正

付保險費銀叁拾圓零捌角正 付巡捕捐銀貳拾叁圓壹角玖分伍釐正

付器具銀肆佰叁拾伍圓壹角玖分貳釐正 付飯食銀肆佰玖拾伍圓捌角貳分伍釐正

付自來水銀玖圓正 付冬季煤炭銀貳拾圓零伍角叁分壹釐正

付油燭銀柒拾伍圓貳角捌分正 付薪工銀貳仟捌佰玖拾叁圓正

付三節酒席賞項銀叁拾捌圓伍角正 付酬應費銀陸拾肆圓正

付零用銀壹佰拾貳圓壹角肆分陸釐正

共用銀肆仟陸佰貳拾叁圓伍角捌分玖釐正

付印公啟章程等銀柒拾壹圓貳角伍分正 付登告白費銀肆拾柒圓捌角伍分正

付購東文報銀壹佰肆拾壹圓柒角陸分正 付印報費共拾陸萬陸仟本銀捌仟伍佰柒拾玖圓肆角正

付筆墨印色格板木戳紙張收單暨包報用油紙等銀貳佰零玖圓壹角叁分肆釐正

付寄報用布袋竹木箱及繩索鐵釘等銀捌拾肆圓伍角捌分肆釐正

付寄報費及車力等銀玖拾圓零玖分正 付公事電報銀陸拾肆圓柒角壹分肆釐正

付信費銀捌拾陸圓陸角捌分伍釐正 付外埠經理費銀叁拾玖圓柒角捌分伍釐正

共用銀玖仟肆佰壹拾伍圓貳角伍分貳釐正

付購西文書籍銀壹佰零叁圓貳角伍分正 付鈔書銀貳拾貳圓壹角伍分伍釐正

付購中文各種新聞紙并書籍銀貳拾柒圓肆角叁分正

共用銀壹佰伍拾貳圓捌角叁分伍釐正

三共用銀壹萬肆仟壹佰玖拾壹圓陸角柒分陸釐正

肆仟柒佰陸拾陸圓叁角肆分壹釐正

應存銀 壹仟伍佰捌拾壹兩捌錢陸分壹釐正

今將實收到之捐款開列於後以助費之先後為次

張孝達制軍助銀柒百兩 黃公度觀察捐集銀壹仟圓

汪讓卿進士 梁卓如孝廉捐集銀陸百貳拾圓 四知堂楊助銀貳百圓

湖南礦務總局助銀肆百圓 朱竹石廉訪助銀壹百圓

任壽華茂才助銀壹拾圓 胡貞甫上舍助銀壹百圓

黃幼農觀察助銀壹百圓 先交 黃愛棠大令助銀壹百圓

李紫翹大令助銀壹百圓 輪船招商總局助銀貳百兩

宗湘文觀察助銀壹百圓 趙有懷堂助銀捌圓

陸春江觀察助銀伍拾圓 退圃老人助銀貳百圓

聶功亭軍門助銀壹百圓 郭鳳條上舍助銀壹百圓

袁慰亭觀察助銀壹百圓 吳耀堂大令助銀壹百圓

朱亮生觀察助銀壹百圓 續助銀壹百圓

吳卓臣部郎助銀壹百圓 閻儀韶守戎助銀拾兩

瞿耕甫觀察助銀壹百圓 薛次申觀察助銀伍拾圓 先交

袁爽秋觀察助銀壹百圓 續助銀肆百圓

| | |
|--|------------------------------|
| 黃澤生中書助銀壹百圓 | 鄒殿書部郎助銀伍百圓 |
| 黃仲敬太史助銀叁拾圓 | 開平礦務局助銀貳百圓 |
| 張燕謀觀察助銀伍百圓 | 張奎垣軍門助銀壹百兩 |
| 王苑生觀察助銀叁拾圓 | 嚴幼陵觀察助銀壹百圓 |
| 劉藝林上舍助銀壹百圓 | 郭寶忠上舍助銀壹百圓 |
| 甯波崇實書院助銀伍拾圓 | 李儀叟傅相助銀貳百圓 |
| 孫仲容刑部助銀壹百圓 | 王芴棠方伯助銀壹百圓 |
| 沈靄蒼觀察助銀貳百兩 | 龍研仙大令助銀壹百圓 |
| 唐瑞芝觀察助銀貳拾圓 | 劉景韓中丞助銀壹百圓 |
| 梁景和 助銀壹百圓 | <small>揚州</small> 裕隆全鹽號助銀伍拾圓 |
| 何穗田觀察助銀壹百圓 | 陶仲彝大令助銀壹百圓 |
| 惲菘耘方伯助銀壹百圓 | 翁述唐觀察助銀貳拾圓 |
| 李公桓直刺助銀貳百兩 | 蔡燕生太史助銀壹百兩 |
| 高香舫大令助銀壹百圓 | |
| 共收銀 <small>柒仟叁百叁拾捌圓</small> 壹仟伍百壹拾兩 | |

